

蘇文忠公詩編註集成

蘇文忠公詩編註集成總案卷二十八

仁和王文誥見大甫誤 男霖圻覆駁

謂案元祐二年丁卯

公年五十二是年三月奉安神宗神御於景靈宮宜光

諫科五月李清臣罷劉摯尚書左丞王

正月一日福寧殿資薦神宗齋文

存尚書右丞六月安燾知樞密院事 追風馭抱烏虢而永慕再歷春朝敢仗勝緣式開淨供仰頌義堯之德永追

釋梵 八日傳堯俞王巖叟再上疏九日王覲上疏 東都事畧王覲言願陛下

察之則是非立見矣彼同異之因不足考也陛下若悉考同異之因深究嫌

疑之迹則兩歧遂分而朋黨之論起矣學士命詞失當有罪無罪小事也使

士夫有朋黨之各太忠也凡小人欲陷君子必以朋黨名之然後君子可以

盡去而小人得志今朝廷清明賢能萃聚不可因小事而生大患此陛下所

當謹 十一日呂陶王覲上疏 東都事畧呂陶奏臺諫為天子耳目官當循至

光庭為頭報怨臣恐朋黨之弊自此起矣 十二日有旨堯俞巖叟光

庭不須彈奏十三日同赴都堂受旨十四日堯俞巖叟光庭違旨上疏十七

日公再上辯劄

本集劄云元祐二年正月十七日翰林學士知制誥蘇軾劄

臣者不止三人交章累上不啻數十而聖斷確然深明其無罪德音一出天下頌之伏觀二聖臨御已來天下翕然銜戴恩德固無可議者然臣私憂過計常恐百官有司矯枉過直或至於踰而神宗廟精核實之政漸致情壞陛下廣開言路無所諱忌而臺諫所擊不過先朝之人所非不過先朝之法正是以水濟水臣竊憂之故輒用此意撰上件策問有以感動聖意庶幾兼行二帝忠厚勵精之政也今乃以為譏諷先朝則亦疎而不近矣臣為中書舍人刑部大理寺列上熙寧已來不該赦降去官法凡數十條盡欲刪去臣與執政屢爭之以謂先帝於此蓋有深意因此得存留者甚多臣每行監司守令告詞皆以奉守先帝約束毋敢弛廢為戒臣豈謗議先朝者哉誠見士大夫好同惡異泯然成俗深恐陛下深居法宮之中不得盡聞天下利害之實也願因臣此言警策在位救其所偏損所有餘補所不足天下幸甚

案此劄所敘論役法事已分載與司馬光論役及奏罷詳定役法條下

八日堯俞嚴叟同入對十九日待罪二十一日孫升上疏

云一日禁中遣馮宗道按獄止貶黃州團練副使此非喜之之詞乃不滿之詞也升言王安石為一代文宗及居大位出其私智遂為大害今蘇軾文章學問中外所服以為翰林學士已極其任若使輔佐經綸恐德業器識有所不足願以安石為戒升以公議役法不隨故有此奏宋史云孫升論蘇軾世

諷其公四上劄請外二十三日詔令供職二十六日作張方平楊繪書

與張

大保安道書云某以不善俛仰屢致紛紛紛想已聞其詳近者凡四請郡杜門待命幾二十日文母英聖深照情偽德音琅然中外聳服幾至有所行譴而諸公變和之數日有旨與言者數君皆促供職明日皆當見不敢堅臥嫌若復伸前請爾徧淺多忤有愧教誨之素臨書悒悒又與楊元素書云某近數章請郡未允杜門待命蓋為臺諫所不容也昔之君子惟荆是師今之君子惟溫是隨所隨不同其為隨一也老弟與溫相知至深始終無間然多不隨耳致此煩言蓋始於此謂書中所言荆者荆公溫者溫公謂同朝皆附和之人也其說如此是構怨起於詳定役法而不始於弔喪之隙也辯劄屢及此事**二十七**日同見紫宸殿門光庭俞巖叟並免行譴續通鑑長編註云可證

俞巖叟再奏九日王觀奏十一日觀又奏十二日批出令堯俞巖叟光庭不須彈奏十三日三人同赴都堂受旨十四日三人又各上奏十七日軾再辭十八日堯俞巖叟同入對十九日待罪二十一日孫升奏二十二日進呈堯俞巖叟所奏二十三日詔令各供職是日孫升又奏二十五日三人侍班次二十七日同見於紫宸殿門此一段事方竟耳東都事畧朱光庭傳斷曰道大不容不容然後見君子蘇軾以雄文直道冠見當世而輒不容於時李定舒賈賈易趙挺之黃慶基董敦逸之流誣以謗誑不足道也而光庭輩世之所謂君子者亦為爾何哉孔子曰君子而不仁者有矣誠可信云宋史本傳云軾自為舉子至出入侍從必以愛君為本忠規諫論挺挺大節羣臣無出其右但為小人忌惡擠排不使安於朝廷之上謂仁宗朝石介作慶歷聖德詩激成朋黨之患幾陷富弼餘如杜衍范仲淹韓琦歐陽修並皆罷斥介亦幾有創冢破棺之禍然仁宗在位小人究有忌憚故卒成至治而此患既

廖不復更作迨元祐之際朱尤庭首開朋黨之禍自是小人毫無忌憚而君子之道日消釀成痼疾宋社以屋此史斷所以嚴於事畧也如朱光庭輩孔子曰未有小人而仁者是矣

玉堂栽花和周尹韻記白樂天西掖通東省詩

詩云元祐元年子為中書舍人時執政患本省事多漏泄欲以舍人廳後作露籬禁同省往來子曰執政應須簡要清通何必樹籬插棘諸公笑而止明年竟作之暇日偶讀樂天集有云西省北院新構小亭種竹開應東通騎省與李常侍隔牕小飲作詩乃知唐時西掖作牕以通東省而今日本省不得往來可歎也

年所作月日無考今附載於此勅撰贈太師追封溫國公司馬光安葬祭文

本集內制祭文云嗚呼元豐之末天步惟艱社稷之衛中外所屬惟是一老屏予一人名高當世行滿天下措國於太山之安下令於流水之源歲月未周紀綱畧定天若相之又復奪之殄瘁不哀古今所共知之者神考用之者

聖母馴致其道太平可期長為宗臣以表後世往奠其葬庶知子懷

所有內制凡事之鉅者莫不推本神宗如欲訕謗則此種文最易流

自神宗崩下手已早為斡旋之地而此心可見矣哲宗據來之邵抄襲朱光庭輩誣陷舊案並不考其內制是非放之海外迨至孝宗披覽此集始知羣

小之顛倒黑白以誤國者大率類是而漢陽諸姬楚盡之也久矣可不重慨

也二月一日繳進給田募役議劄

本集劄云元祐二年二月一日翰林學士

草此奏狀而未果上近因論事已具奏聞其畧竊謂今日尚可行軛備錄

前狀繳連申奏臣前年過鄆州本與京東轉運使范純粹同建此議令臣發

之已當繼之問執政議不合故不復言然純粹講此事尤為精詳臣所不及若朝廷可以施行即乞更下純粹令具利害條奏

八日作畫苑
安高堂素壁無舒卷之勞而人物禽魚之變態山川草木之奇姿粲然陳

前亦好事者之一適也元祐二年二月十七日見王伯虎言呂公弼招致高麗人事

本集書呂公弼招致高麗人事云元祐二年二月十七日見王伯虎炳之言

昔為樞密院禮房檢詳文字見高麗公案始因張誠一使契丹於虜帳中見

高麗語國主向慕中國之意歸而奏之先帝始有招來之意樞密使呂公弼

因而迎合親書劄子乞招致遂命發運使崔拯遣商人招之天下知罪拯而

不知罪公弼如誠和謝黃庭堅饋雙井茶詩此詩查註補編上卷元年

一蓋不足道也
詩編於二年則次韻詩亦為二年所作今考雙井茶乃其家間三月乞錄用

所產則所饋者必新茶也因改編二年春中則兩地皆合矣

鄭俠王旂狀
本集狀云元祐二年三月日翰林學士知制誥蘇軾狀奏伏見

開校理王安國以布衣為先皇帝所知擢至館閣兄安石為相若少加附會

可立至富貴而安國挺然不屈不獨納忠於先帝亦嘗以苦言至計規戒其

兄竟坐與俠游從同時被罪呂惠卿首與大獄鄧綰舒亶之徒構成其罪必

欲置此人於死賴先帝仁聖止加竄逐會未數年逐惠卿而起安國今來朝

廷赦俠之罪復其舊官經今踰年而俠終不赴吏部參選考其始終出處之

大節合於古之君子殺身成仁難進易退之義朝廷若不少加優異則臣等

恐俠浩然江湖往而不返若濫先朝露則有識必為朝廷興失士之歎至於安國不幸短命尤為忠臣義士之所哀惜臣常識其少子游敏而篤學直而好義頗有安國之風養成其才必有可用欲望聖慈召使赴闕并考察旂行實與俠並賜錄用不獨旌直臣於九泉之下亦所以作士氣於當代也

四日景靈宮奉安神宗御容朱表

本集景靈宮宣光殿奉安神宗皇帝御容朱表云伏以馭風雲關既參日月之

光弭節琳宮尚答臣民之望爰開法會庶款真庭願

推往聖之心永錫函生之福元祐二年三月十四日

赴景靈宮導引歌辭本集

奉安神宗皇帝御容赴景靈宮導引歌辭云帝城父老三歲望堯心天遠玉樓深龍顏鬚髮簫簾遠賜斷屬車音春色瑣瑤林雲闕海沈沈遺民猶唱當時曲秋鴈

神御殿張挂祝文

本集內中神御殿張挂神宗皇帝御容祝文云

起汾陰雖天日之光固難形似而神人之奉永有瞻依悲慕愈深照臨無極

內中神御殿與景靈宮宣光殿有別今以同屬祥除之事併載於此

大祥徹饌除座躬扶神御別設祭文本集神宗皇帝大祥祭訖徹饌除靈座

伏以便就終喪禮當即遠永瞻陵景靈宮奉安御容畢皇太后行禮祝文本集

廟將徹几筵攀慕若疑追懷罔極

景靈宮宣光殿奉安神宗皇帝御容畢皇太后規詣行禮祝文云伏以奕奕祠宮巍巍天像聖靈雖遠哲命惟新仰瞻如在之威永錫無疆之慶敢祈昭鑑下瀾

二十五日集禧觀祈雨青詞

本集集禧觀開啓祈雨道場青詞云洞淵龍王水府聖眾饑饉之患民流者

微誠

年叶嗟之求詞窮於是日乃眷陰靈之宅實爲雲雨之司涵濡之功俄頃而辦罔吝天澤以答民瞻元祐二年三月二十五日大相國寺祈

雨齋文本集大相國寺開啓祈雨道場齋文云伏以旱暵既久禾麥將空仰惟天人之師宜專雲雨之施庶幾慈愍寬我憂危二十九

日和曾肇劉攽孔武仲省上公自註云三月二十九日作明日駕幸景靈宮又却見三賢起江右向自註云曾子開劉貢父

孔常父皆江西人四月一日二日從駕景靈宮和曾肇從駕魏草萊句又自註云學士班近執政此公從駕之明文也樂城集詩目與題皆作次韻曾子開舍人

四月一二日扈從請自一日至二日也與公和三舍人詩自註明日駕幸景靈宮正合蓋三月乃小盡明日即一日也查註

劉攽省上詩七日景靈宮罷引樂城集譌作四月三日合註從誤今駁正

散功德疏文本集景靈宮罷散奉安神宗皇帝御容道場功德疏文云伏以法會告成普冀含生悉蒙餘十八日賜李清臣乞退批答本集賜尚書左丞

社謹疏元祐二年四月七日厚陵禁林之選用於神考遠受顧命弼予冲人批答云卿以方聞之舉擢自

義既同於戚休身豈輕於出處遽欲引去聞之惻然姑安厥常以助子治元祐二年四月十八日

永興軍真定府是時呂公著獨相一虛其位清臣之意惟欲作相耳公著既不能處以宰相俾安其位又不能重行廢斥使非更數大赦不能召還惟知

處以大藩悅以美任爲自了計如章惇之逐則自汝州帥揚會布之出則白

太原歷真定河陽瀛州此皆重寄朝廷養奸地乎須知此曹高牙大蠶坐
擁厚貲並不稍見德意歸來覆算仍以被辱被逐論也觀其所為無異關門
養虎又若開門揖盜一旦召還則朝發夕至此十九日薦布衣陳師道狀木
乃明示覆局皆逆知之惟元祐宰執在夢中耳

狀云元祐二年四月十九日翰林學士知制誥蘇軾同傳堯俞孫覺狀奏右
臣等伏見徐州布衣陳師道文詞高古度越流輩安貧守道若將終身苟非
其人義不往見過壯未仕實為遺才欲望聖慈特賜錄用以獎士

類兼臣軾臣堯俞皆曾以十科薦師道伏乞檢會前奏一處施行二十日上
乞留顧臨給事中狀不報

臣等竊見給事中顧臨資性方正學有根本慷慨中立無所阿撓自供職以
來封駁論議凜然有古人之風德棣之流側目畏憚近聞除天章閣待制充
河北都轉運使遠去朝廷衆所嗟惜方今二聖臨御肅正紀綱如臨等輩正
當置之左右以補闕遺或者謂緣黃河輟臨幹治臨之所學實有大於治河
治河之才固有出臨之上者欲望朝廷別選深知河事者以使河北
且留臨以盡忠亮補益之節臣等備位侍從懷有所見不敢不盡

使河朔家定國知懷安軍和張問喜雨詩聽章棊家琵琶作水調歌頭詞本

水調歌詞敘云歐陽文忠公嘗問余琴詩何者為善答以退之穎師琴詩最
善公曰此詩最奇麗然非聽琴乃聽琵琶也余深然之建安章質夫家善琵琶
者乞為歌詞余久不作特取退之詞稍加櫛括使就聲律以遺之其詞云
昵昵兒女語燈火夜微明恩怨爾汝來去彈指淚和聲忽變軒昂勇士一鼓

填然作氣千里不流行回首暮雲遠飛絮攪青冥衆禽真彩鳳獨不鳴蹇
攀寸步千險一落百尋輕煩子指間風雨置我腸中冰炭起坐不能平推手
從歸去無淚與君傾此詞無年月可考據續通鑑長編元祐二年集
正月章棻爲吏部郎中四月出知越州時棻正在京也因附載於此

觀洪福殿謝雨朱表

本集集禧觀洪福殿罷散謝雨道場朱表云伏以旱暵
不德之能致載陳

謝懇少答靈休

五月十二日賜韓絳到闕生餽口宣

本集賜集禧觀使儀
江軍節度使開府儀

同三司韓絳到闕生餽口宣云有勅卿力辭繁劇歸即燕安想
見老成渴聞嘉話特頒年禮以勞駉駉元祐二年五月十二日**神宗禪祭祝**

文

本集神宗皇帝禪祭太皇太后親行祝文云寒暑之變忽焉
再蕃練祥之餘復將三月勉從卽吉之典莫遂無窮之哀

二十九日賜

羣臣御殿復膳允批答

本集賜文武百寮文彥博已下上第五表請皇帝御
正殿復常膳允批答云朕以寡昧膺受多福常欲損

上益下畏天之威矧茲旱菽咎在不德而卿等以雨澤既至封章屢上勉從
其意甚愧於中夫天之有風雨雷霆猶朕之有號令賞罰朕不修明其事何
以責應於天永思其終無忘納誨元祐二年五月二十九日**和劉攽獨直省中詩**

復膳第五表批答也其第一表批答作於四月二十二日相距月餘似太遲
宋史四月癸卯兩戊申御殿復膳相距僅六日不必連

上五表此所載月日均有譌也今仍依本集俟再考**和劉攽獨直省中詩**

六月一日賜羣臣表請舉樂不許批答

本集賜文武百寮太師文彥博已下
第一表請舉樂不許批答云禮之

至者無文哀之深者無節故禪而不樂古人非以求名琴不成聲君子以為

知禮朕以宗廟之重勉蹈先帝之餘履其位惕然而自驚用其物潛焉而出

涕未報昊天罔極之德常懷終身不忘之憂欲從衆言亟舉備樂而金石絲

竹乃棲耳之聲干戈羽旄皆眩目之具哀既未泯樂何從生再閱來章徒增

感慕元祐二日再賜批答本集第二表請舉樂不許批答云過密之制雖

年六月一日四日再賜批答盡於三年追懷之私豈論於歲月金石在御則

然未寧吾不以一身之憂廢天下之樂今苑之郊廟用之軍旅州閭之會絃

歌相聞獨盡餘哀止於中禁以為於義未害是故行之不疑元祐二年六月

四日再賜批答本集第三表請舉樂不許批答云鐘鼓以導和羽籥以飾

而琴瑟之御則有未安卿等忠誠確然開喻至矣惟反求諸心而弗

得故欲行其言而未敢推之人情當識朕意元祐二年六月九日賜曹佺

告白口宣

本集賜護國軍節度使檢校太師濟陽郡王曹佺生日禮物口宣云有勅卿世濟勳勞德隆藩戚屬此誕彌之日豈無燕喜之私庶

我寵頒永增壽祉元祐二年六月九日

謝三伏早出院表

本集謝表云臣職言君逸臣勞固上

異恩而許夙退伏念臣等誤緣末技待罪禁林戴星而朝雖粗輸其勤拙窮

日之力卒無補於絲毫遽蒙假借之私得遂委蛇之樂此蓋伏遇皇帝陛下

嚴於恭己恕以馭臣事既十八日賜皇弟佖生日口宣本集賜皇弟山南東

道節度使開府儀同三司佖生日禮物口宣云有勅卿以棣華之親篋瓜陲之慶載

公去歲春夏

臨誕日宜厚寵頒服我異恩永膺介福元祐二年六月十八日

侍立邇英秋冬之交子由相繼入侍和子由作題文彥博所跋郭熙畫再和

張問喜雨詩二十八日賜孫路獎諭勅書本集賜權陝府西路轉運判官孫路銀絹獎諭勅書云勅孫路宜力

計臺悉心邊政相視矜要繕完保障詔用有成不愆於素使虜無可乘之便

民有足恃之安乃眷忠勤不忘嘉歎元祐二年六月二十八日公自註云爲

築蘭州西荆堡成下同賜王文郁獎諭勅書本集賜知蘭州王文郁銀絹獎諭勅書云

堵皆作三月而成非威服民夷身先士卒則安能以禦侮之才當專城之寄百

成無窮之利達於朕聽良用歎嘉元祐二年六月二十八日過蔡河東畔

袁彥方所居游來鶴亭作詩百歲寓翁楓窗小牘余汴城故居近陳州門內

來鶴亭王大父時有野鶴來棲遂馴狎不去蘇子瞻有詩云鴻漸偏宜丹鳳

南冠霞披月羽純純酒酣亭上來看舞有客新名喚作耽每誦此詩未嘗不

淚滿青衫也謂孟元老東京夢華錄東都外城東南則陳州門傍有蔡河

水門查註收此詩入續採中百歲寓翁乃袁裝也裝之祖名彥方合註云晉

書袁彥道名耽今案桂陽蘇耽有化鶴來歸之事公乃藏袁與鶴於其名內

而兼用之正恐讀者專指用袁彥道特於上句用舞字以爲標記使人自得

之合註未能喻其意也

作張方平文集敘

本集樂全先生文集敘云自慶歷以來訖元

者多矣或用或不用而皆本於禮義合於人情是非有考於前而成敗有驗

於後及其他詩文皆清遠雄麗讀者可以想見其爲人昔曾魯公嘗爲賦言

案

公在人主前論大事他人終日反覆不能盡者公必數言而決然成文皆可書而誦也言雖不盡用然慶歷以來名臣爲人主所敬莫如公者公今年八十一杜門却掃終日危坐將與造物者游**奉勅撰趙抃愛直之碑**本集趙於無何有之鄉言且不可得聞而況其文乎神道碑云故太子少師清獻趙公既薨之二年其子岷除喪來告於朝天子以愛直名其碑而命臣賦爲之文公諱抃字閱道其先京兆奉天人景祐元年進士曾公亮爲翰林學士未識公而以臺官薦召爲殿中侍御史彈劾不避權幸號鐵面御史陳升之除樞密副使公與唐介呂誨范師道同言升之交結宦官進不以道上不省卽居家待罪詔強起之乃乞補外得虔州召知御史雜事不閱月爲度支副使英宗卽位奉使契丹還未至除天章閣待制河北都轉運使旋除龍圖閣直學士知成都神宗卽位召知諫院及謝上謂曰聞卿匹馬入蜀以一琴一龜自隨爲政簡易亦稱是耶公知上意將用其言卽上疏論呂誨傳堯俞范純仁呂大防趙瞻趙鼎馬默皆骨鯁敢言久譴不復無以慰縮紳之望上納其說擢右諫議大夫參知政事與富弼曾公亮唐介同心輔政率以公議爲主會王安石用事議論不協旣而司馬光辭樞密副使臺諫侍從多以言事求去公言朝廷事有輕重體有大小財利於事爲輕而民心得失爲重青苗使者於體爲小而禁近耳目之臣用捨爲大今不罷財利而輕失民心不罷青苗使者而輕棄禁近耳目去重而取輕失大而得小非宗廟社稷之福臣恐天下自此不安矣言入卽求去熙寧三年四月除資政殿學士知杭州五年成都以戍卒爲憂朝廷擇遣大臣爲蜀人所愛信者皆莫如公遂以大學士知成都居二歲乞守東南爲歸老計得越州復徙治杭元豐二年二月加太子少保致仕時年七十二矣退居於衢有溪

石松竹之勝東南高士多從之游朝廷有事郊廟再起公侍祠不至帆通判
溫州從公游天台鴈蕩吳越間榮之帆代還以帆提舉浙東西常平以便其
養帆復侍公游枕以疾還衢有大星隕焉二日而公薨實七年八月癸巳也
計開天子輟視朝一日贈太子少師十二月乙酉葬於西安蓮華山諡曰清
獻

集於王詵西園

米元章西園雅集圖記云李伯時效唐小李將軍爲著色

自有林下風味無一點塵埃氣不爲凡筆也其烏帽黃道服提筆而書者爲
東坡先生仙桃巾紫裘而坐觀者爲王晉卿幅巾青衣據方几而凝竚者爲
丹陽蔡天啓提椅而視者爲李端叔後有女奴雲鬟翠飾侍立自然富貴風
韻乃晉卿之家姬也孤松盤鬱上有凌霄纏絡紅綠相間下有大石案陳設
古器瑤琴色焦圍繞坐於石盤傍道帽紫衣右手倚石左手執卷而觀書者
爲蘇子白團巾蘭衣手秉焦篋而熱觀者爲黃魯直幅巾野褐據橫卷畫
明歸去來者爲李伯時披巾青服撫肩而立者爲晁無咎跪而捉石觀畫者
爲張文潛道巾素衣按膝而俯視者爲鄭靖老後有童子執靈壽杖而立二
人坐於盤根古檜下幅巾青衣袖手側聽者爲秦少游琴尾冠紫道服插阮
者爲陳碧虛唐巾深衣昂首而題石者爲米元章幅巾袖手而仰觀者爲王
仲至前有翁頭頑童捧古硯而立後有錦石橋竹運縑繞於清溪深處翠陰
茂密中有袈裟坐蒲團而說無生論者爲圓通大師傍有幅巾褐衣而諦聽
者爲劉巨濟二人並坐於怪石之上下有激湍淙流於大溪之中水石潺湲
風竹相吞爐煙方晏草木自馨人聞清曠之樂不過於此嗟乎洵湧於名利
之域而不知退者豈易得此耶自東坡而下凡十有六人以文章議論博學
辯識英辭妙墨好古多聞雄豪絕俗之資高僧羽流之餘卓然高致名勳四

夷後之撥者不獨圖畫之可觀亦足彷彿其人耳此集在二三年之間而劉涇將赴莫州倅故置二年爲富也自袁彥方以下四條皆以未能確考附載此案之末

蘇文忠公詩編註集成總案卷二十八終

武林韻山堂王氏藏版

蘇文忠公詩編註集成總案卷二十九

仁和王文誥覓大甫誤 男霖圻覆較

詔完祐二年丁卯

是年七月韓維罷八月岷州將種誼復洮州十一月七

月一日賜皇伯祖宗晟生日口宣

本集賜皇伯祖彰化軍節度使高密郡王宗晟生日禮物口宣云有勅卿德茂宗枝

室隆公象推本流長之慶有嘉震肅之辰宜示尊顯以綏壽祉元祐二年七月一日

八日玉津園賜遼國賀坤成節使

副射再例物口宣

本集口宣云有勅卿等致命寶鄴出游禁禦爰敦射事以佐賓歡宜旌審固之能式厚珍良之賜元祐二年七月八

日十一日賜文彥博已下坤成節香酒果口宣

本集賜太師文彥博已下罷

云有勅卿翊贊大猷倡先多士方慈闈之獻壽嚴法會以薦誠宜有寵頒以昭殊眷元祐二年七月十一日

呂陶范百祿劾韓維

罷朝黨以公為川黨

東都事畧云七月辛未韓維罷呂陶遷左司諫上疏論韓維援引親舊分布要近方太皇太后垂簾不宜大臣

如此專恣維出本集劄云刑部侍郎范百祿與門下侍郎韓維爭議刑名欲守祖宗故事不敢以疑法殺人而諫官呂陶又論維專權用事臣本蜀人與

此兩人實是知舊因此韓氏之黨一劾疾臣指為川黨謂此川黨之說所由起也公本韓門且與維厚維雖知公心跡而其黨已牽連及之蓋子由實

巴功遠韓縝其黨併計之即皆川人之事故曰川黨公無以自明也但呂陶所言甚正若因此指為卽蜀黨攻洛黨之羽翼則非朔黨於川人有不解釋

謂之甚和錢總新涼詩告下兼侍讀二十六日上辭免侍讀狀本集狀云右

六日準閣門告報蒙恩除臣兼侍讀者入侍邇英其選至重非獨分摛章句實以仰備顧問臣學術淺陋恐非其人況臣待罪禁林初無吏責又加廩賜

之厚益積尸素之憂伏望聖慈察其誠心追回新命降詔不允八月一日進謝上表本集表云臣賦言

臣兼侍讀者北門親草已叨儒者之極榮西學上賢復玷侍臣之高選省循非稱愧汗交懷此蓋伏遇陛下憂思深長德業久大受先帝投艱之托為神

孫經遠之謀故選左右前後之人罔非吉士使知興亡治亂之效次孔武仲

韻送張商英提刑河東宋史元祐二年七月張商英由開封出為河東提刑和張舜民自御史出倅號

州留別詩續通鑑長編元祐二年六月承議郎張舜民通判虢州洛黨賈易投朔黨攻公并請逐其師

語侵文彥博宣仁怒罷易諫職續通鑑長編八月蘇軾程頤既交惡其黨迭

后怒呂公著言第不可復處諫列耳乃止罷易諫職又九月王觀言蘇軾立

朝以來皆愆不少乞補外所上章留中不出當深察其邪正真偽而審處之

王觀論

奏附載於此十日賜熙河秦鳳路帥臣并沿邊知州軍臣寮茶銀合兼傳宣

撫問口宣

本集口宣云有勅卿等夙分邊寄深識虜情屬此盛秋勞於警備宜加寵賚以示眷懷元祐二年八月十日

賜熙河秦

鳳路提刑轉運茶銀合兼傳宣撫問口宣

本集口宣云卿等持節宣風久分憂寄調兵足食想極賢勞宜有寵

頒以彰眷遇元祐

十六日賜皇弟德生日口宣

本集賜皇弟武成軍節度使祁國公德生日禮物口宣云

有勅卿棣華襲慶桐葉分封載臨震肅之辰特致壽康之祝其膺寵錫以介神休元祐二年八月十六日

二十日賜皇叔頽生日口宣

口宣

本集賜皇叔成德軍節度使守太尉開府儀同三司荆王頽生日禮物口宣云有勅卿以名世之條居叔父之親乃眷其長實鍾餘慶宜膺異

數之禮永錫無疆之休

二十二日賜李常乞戍邊不允詔

本集賜朝議大夫元祐二年八月二十日

乞除沿邊一川不允詔云勅李常在泮嶽越亦儒者之常挺劍疾驅蓋孔門

之事雖然義有輕重理有後先與其自請捍邊已癯疥之疾曷若監瘁事國

幹心膂之憂荷推是心何往非報雖願受長纓而往者卿之本懷然自以尺

莖而鞭之吾有餘力尚體此意姑安厥官元祐二年八月二十二日

元章題改稱公擇尚書而東都事畢哲宗立進吏部侍郎拜御史中丞兼侍

讀改兵部尚書辭不拜出知鄧州徙成都府行次陝郊卒年六十四無試戶

部尚書事可補其闕二十五日賜文彥博呂公著入朝免拜禮詔本集賜太師平章軍

呂公著自今後入朝凡有拜禮宜並特與免拜口宣云勅彥博朕聞几杖以

三公有疾以爲故事而唐司徒馬燧亦以老疾自力對於朝廷使切拜今
吾耆老大臣四朝之舊德隆而望重任大而憂深者惟卿與公著而已方資
其耆龜之告豈責以筋力之禮今後入朝凡有拜禮宜並特免卿其專二十
有爲之報畧無益之儀母或固辭以稱朕意元祐二年八月二十五日二十

七日賜文彥博辭免不拜恩命許批答本集批答云朕優禮師傅達德齒之

廷明君臣之分以不拜爲未安禮之節也道並行而不悖義**賜呂公著乞罷**

有重而難移勉循所陳不忘嘉歎元祐二年八月二十七日**相位不許批答**本集批答云孔子曰苟有用我者暮月而已可也三年有成

以爲既成已乎其未也譬如玉人雕琢玉中道**邇英閣進讀**本集漢高祖赦

而易之豈復成器哉元祐二年八月二十七日**邇英閣進讀**季布唐屈突通

不降高祖云賦以謂漢高祖唐高祖皆創業之賢君季布屈突通皆一時之

烈丈夫惟烈丈夫故能以身殉主有死無二惟賢君故能推至公之心不以

私怨殺士此可以爲萬世臣主之法**邇英閣進讀**宋以秋八月至冬至遇隻

日邇英閣輪官講讀故公以七月杪兼侍讀此乃集載進讀首篇也**二十八**

年八月二**九月二日熙河蘭會路賜神誼銀合茶藥及撫問犒設漢蕃將校**

十八日**巴下口宣**本集口宣云有勅汝等受成元帥問罪種羌既俘內渠

備見忠力各加犒賜用示眷懷元祐二年九月二日**擒青泥吉**

告神宗永裕陵祝文

本集告永裕陵祝文云大獨獲禽必有指蹤之自豐年高廩孰知耘耔之勞懷彼西戎古稱右臂自嘉祐未凡

征撥邊至熙寧中董璠方命於赫聖考赤行天誅非貪尺寸之疆蓋爲民除
毒孽遂建長久之策不以賊遺子孫而西蕃大首領首犯南川北連拓拔申
命諸將擇利而行旋聞偏師無往不克更士用命爭酬未報之恩聖靈在天
難逃不漏之網頡利成擒初無渭水之恥郅支授首聊報谷吉之冤謹當推
本聖心益修戎畧務在服近而來遠期於偃革

七日賜滕元發等初冬衣襖

工告始

以息民仰冀威神曲垂昭鑑元祐二年九月
召本集賜前兩府待制已上知州初冬衣襖詔云勅元發滕元祐二年九月七
日賜諸路蕃官初冬衣襖勅書

本集賜諸路蕃官并溪洞蠻人初冬衣襖勅
書云勅諸路蕃官在捍邊志常面內屬此嚴凝

之候宜均輕暖之恩賜諸路屯駐衣襖勅書
本集賜諸路屯駐衣襖勅書云
服我龍頰益思恩報賜諸路屯駐衣襖勅書云
勅汝等久勤外服臨戒祈寒爰
念捍城之勞普均披緘之惠

十五日邇英講論語終篇賜執政講讀史官

燕於東宮就賜御書詩各一首公得紫薇花絕句進詩一篇及謝賜表

本集

云臣職言今月十五日賜宴東宮伏蒙聖恩差中使就賜臣御書詩一首首
玉笋金樽濡若雲天之澤寶章宸翰煥乎奎壁之文喜溢心顏光生懷袖伏
念臣猥緣末技獲玷清流早歲數奇已老江湖之上餘生何幸得依日月之
光久侍燕閒與聞講學夫何珍賜亦及微軀此蓋陛下道本生知才惟天縱

文不數於游夏書已逼於鍾王知臣遭遇

之難欲以顯榮其老鑲之金石付與子孫

十月一日永裕陵下宮開啓齋文云橋山永望莫瞻弓

劍之餘陽月載臨徒增霜露之感招延淨眾崇建梵筵庶集勝因仰資真馭

元祐二年九月二十四日賜趙君奭進奉無量壽佛勅書

成節無量壽佛勅書云勅趙君奭相好妙嚴衷誠傾盡汝期乃后享無量之

年吾欲斯民同極樂之世永言忠愛良用歎咨元祐二年九月二十四日

二十五日神宗御容進發西京會聖宮前一日奏告天地社稷宗廟祝文

祝文云祗畏天明率循祖武進衣冠之原廟鎮崧洛之靈祠恭擇

良辰啓行仙馭分遣執事並告有神元祐二年九月二十五日謝王澤州

寄長松兼簡張商英詩勅譔富弼顯忠尚德之碑

學有大度范仲淹見而識之曰此王佐才也懷其文以示王曾曼殊殊即以

女妻之天聖八年公以茂才異等中第召試館職遷太子中允直集賢院從

王曾辟通判鄆州寶元初趙元昊反公上疏陳八事議者以為有宰相氣召

還為開封府推官擢知諫院改右正言知制誥糾察在京刑獄執政不悅薦

公使契丹欲因事罪之歐陽修上書引顯真卿使李希烈事雷公不報使還

遷翰林學士公見上力辭曰增歲幣非臣本志也特以朝廷方討元昊未暇

與虜角故不敢以死爭其敢受乎慶歷三年三月命公為樞密副使辭之愈

力七月復除以告納上前而罷逾月復除前命時元昊使薛鞬臣綴班紫宸

殿

殿

殿

殿

殿

殿

殿門上俟公綴樞密院班乃坐且使宰相章得象諭公曰此朝廷特用非以
使虜故也公不得已乃受時晏殊爲相范仲淹爲參知政事杜衍爲樞密使
韓琦與公副之歐陽修余靖王素蔡襄爲諫官皆天下之望魯人石介作慶
歷聖德詩歷頌羣臣而仁宗責成於公與仲淹望太平於日月之間且命仲
淹主西事公主北事公遂與仲淹各上當世之務十餘條又自上河北安邊
十三策大畧以進賢退不肖止僥倖去宿弊爲本欲漸易諸路監司之不才
者使澄汰所部吏於是小人始不悅矣既上十三策又請守一郡行其事小
人怨公不已而大臣亦有以飛語譏公者求爲河北宣撫使以避之使將還
除資政殿學士知鄆兼京東西路安撫使諺者不已罷安撫使歲餘還不駭
加給事中移知青州兼京東東路安撫使河朔大水民流京東凡活五十餘
萬人募而爲兵者又萬餘人上聞之遣使勞公卽拜禮部侍郎公曰救哉守
臣職也辭不受遷資政殿大學士徙鄆蔡加觀文殿學士知河陽遷戶部侍
郎除宣徽南院使判并州兼河東經畧安撫使至和二年召拜同中書門下
平章事集賢殿大學士嘉祐三年加禮部尙書監修國史六年丁秦國太夫
人憂詔爲罷春燕英宗卽位拜樞密使同中書門下平章事逾年以足疾求
解機務章二十上拜鎮海軍節度使同中書門下平章事判河陽封祈國公
公辭使相不從神宗卽位改鎮武寧軍進封鄭國公公又乞罷使相乃以爲
尙書左僕射觀文殿大學士集禧觀使復判河陽熙寧元年移汝州且詔入
覲以公足疾許肩輿至殿門上特爲御內東門小殿見之再對上欲畱公爲
集禧觀使力辭赴郡明年拜左僕射門下侍郎同中書門下平章事公既至
未見有於上前言姦異皆天數非人事得失所致者公聞之歎曰人君所畏
惟天若不畏天何事不可爲者去亂亡無幾矣此必姦臣欲進邪說故先導

上以無所畏此治亂之機也卽上書數千言以明其決不然者公始見上上問邊事公曰陛下卽位之始當布德行惠願二十年口不言兵因以九事爲戒八月以疾辭位判河南復以老請改亳州時方行青苗息錢法公以謂此法行則財聚於上人散於下且富民不願請願請者皆貧民後不可復得故持之不行而提舉常平倉趙濟劾公以大臣格新法始若置而不問無以令天下乃除左僕射判汝州公言新法臣所不曉不可以復治郡縣歸養疾計之請老拜司空復武寧節度及平章事進封韓國公致仕公雖家居而朝廷有大利害知無不言交趾叛詔郭遠等討之公言海嶠嶮遠願詔遠等擇利進退以全王師契丹來爭河東地界上手詔問公公言熙河諸郡皆不足守而河東地界決不可許元豐三年官制行改授開府儀同三司故參知政事王堯臣之子同老上言仁宗弗豫其父堯臣嘗與文彥博劉沆及公同決大策乞立儲嗣仁宗許之以其父所撰詔草上之上嘉公等勳績如此而終不自言下詔以公爲司徒且以其子紹京爲開門祇候六年閏六月丙申薨於洛陽私第享年八十手封遺表使其子之上世莫知其所言者上聞震悼爲輟視朝內出祭文遣使致奠所以贈其家者甚厚贈太尉諡曰文忠十一月庚申葬於河南府河南縣金谷鄉南張里元祐元年六月詔公配享神宗皇帝廟廷明年以明堂恩加贈太師紹庭請於朝曰先臣墓碑未立願有以寵緼之上爲親篆其首日顯忠尙德之碑命臣賦譏次其事

日賜王安禮乞陳頌不允詔

本集賜資政殿學士新知成都府王安禮乞知

賦重人懦而吏肆徭役新定農民在官馭之無方將不勝弊惟朕左右信臣明而不苛寬而有斷必能肅遏慢吏扶養小弱卿雖微疾強爲朕行時近藥

石勉事道路稱朕意焉
元祐二年十月一日 **七日西京會聖宮奉安神宗御容祝文**
本集西京會聖宮應天禪

院奉安神宗皇帝御容前一日奏告永裕陵祝文云國家推本漢儀立郡國之廟恭用唐制就佛老之祠乃眷恪都載瞻圖寢並興靈宇以奉神禧閔惟冲人恭蹈成憲謹擇良日臨遣近臣庶回日賜禮儀使呂大防銀合茶藥詔月之光少答天人之望元祐二年十月七日

賜禮儀使呂大防銀合茶藥詔
本集沿路奉安神宗御容禮儀使呂大防銀合茶藥詔云勅大防於赫神考如日在天雖光明無所不臨而躔次必有所舍肆予命爾祇奉此行禮既告

成勳亦良至感慕之外嘉歎不忘元祐二年十月七日王明清揮塵餘話云元祐二年東坡先生暇日會黃張秦晁陳李六君子於私第忽有旨令撰賜奉安神宗御容禮儀使呂大防茶藥詔東坡就賸書云於赫神考如日在天

願羣公曰能下一轉語否各辭之坡隨筆後書云雖光明無所不臨而躔次必有所舍羣公大以登服導引鼓

吹詞亦是時作真迹今藏明清處**導引歌**
京會聖宮應天禪院導引歌辭云經文緯武十有九年中遭烈震羌戎夾道千君長猶是建元功

西瞻溫洛與神崧蓮宇照瓊宮人間俛仰成今古流澤自無窮**十日受冊**
本集太皇太后皇太后皇太妃受冊禮畢奏謝天地社稷宗廟

禮告謝祝文
諸宮觀并諸陵祝文云至哉坤元政必先於治內養以天下孝莫大於尊親昔首正於號名今復嚴於典冊禮樂既具神人允諧

分命邇臣恭致成事仰祈昭鑑永錫鴻休元祐二年十月十日**十四日西**
京救文
本集西京奉安神宗皇帝御容禮畢西京德音救文云門下朕以算昧仰繼聖神顧瞻山陵未忘弓劍之慕益廣宗廟以奉衣冠之游祇

遣輔臣往嚴像設徹鳳臺之仙宇梁龜洛之仁祠睥表一臨陪京增重山川

改色方貢祥而効珍父老縱觀或大息而流涕宜施雷雨之澤以答神人之

休於戲好生育物既推文母之慈崇德措刑終成神

考之志資爾有眾宜體朕懷元祐二年十月十四日

撫問口宣本集撫問知河南府張璪知永興軍韓縝口宣云有勅卿輟自廟

十月十八日口宣續璪單雖為子由諸人奏逐然皆俟其自退出用美詞故

始終恩禮如此儻如王安禮曾布蔡京蔡卞之流並在藩鎮元祐執政以軍

國民社之寄悉付此曹以自保復用其黨

惡謂之調停今錄此種文皆以著其失也

二十一日參定葉祖洽廷試策狀

本集狀云元祐二年十月二十一日翰林學士知制誥兼侍讀蘇軾同蘇轍

劉敞狀奏趙君錫論祖洽廷試對策有訛及宗廟之語三省同奉聖旨命翰

林學士中書舍人諫議大夫同共參定閣奏者右臣等取到葉祖洽所試策

卷子看其畧云祖宗以來至於今紀綱法度苟簡因循而不舉者誠不為少

又云與忠皆豪傑之臣合謀而鼎新之臣等以謂祖宗撥亂反正承平百年

紀綱法度最為明備縱使時異事變理合小有損益亦不當謂之因循苟簡

顯是祖洽學術淺暗議論乖繆若謂之議訛宗廟則亦不可祖洽及第日臣

軾係編排官據初考官呂惠卿等定祖洽為第三等中合在甲科覆考官宋

敏求等定祖洽為第五等中合是黜落臣曾具事由聞奏乞行黜落今來祖

洽上章自辯却減落上件言語顯見祖洽心知苟簡之語為不可故行減落

謹錄奏聞口宣葉祖洽字敦禮邵武人其殿試詆祖宗法度為苟簡因循譽

安石惠卿輩為忠智豪傑遂魁天下已載卷六絕案公此日為寬其奏蓋欲

借國體也祖洽時為禮部郎中因是出為淮西提刑素性狠愎專喜諛附紹聖中入掌西掖詆誣司馬光呂公著論蔡確受遺定策貶死王珪如遂姦謀則神宗失正統不知神器孰歸然其所陳皆撥拾羣小唾餘無創見也以詔事會布得為吏部侍郎人目為小訓狐幾於大用歷知濟洪青定毫諸州所至以牟利贖貨聞仕

至徽猷閣直學士死 **二十七日賜王安禮銀合茶藥口宣** 本集賜資政殿學士新差知成都府

王安禮部書銀合茶藥傳宣撫問口宣云有勅卿西南之寄古今所難蓋自祖宗以來式轍鈞衡之舊與眾同樂非卿孰宜元祐二年十月二十七日

和劉攽所和韓絳憶弟維及絳置酒見鶻諸詩 檢校太尉致仕是冬自穎昌入十一月一日賜五臺山僧正勅書 與龍節功德疏等獎諭勅書云勅省奇

等清涼之域仙聖所游後因彌月之辰來獻後天 **四日班荆館賜遼國賀正** 之祝永言勲至夏極歎咨元祐二年十一月一日

且使副到闕御筵口宣 本集口宣云有勅卿等夙抗使旌少休郊館乃眷川途之邈載惟驂馭之勞特賜燕私以旌勲粹元祐二

年十一月四日 **六日賜劉昌祚進奉銀詔** 本集賜知渭州劉昌祚進奉與龍節銀詔云勅昌祚卿御梅邊庭馳神魏關會嘉辰

之獻壽納貢篚以効珍載省忠勤 **九日班荆館賜遼國賀興龍節使副酒果** 不忘褒歎元祐二年十一月六日

口宣 本集口宣云有勅卿等遠乘使傳方造都門屬此寒凝久於子由除戶衝涉宜鷹就賜之禮以示勞來之恩元祐二年十一月九日

燕之石之言系言集卷之二

部侍郎續通鑑長編云二年十一月十一日**上舉黃庭堅自代狀**本集狀云蒙恩除臣翰

堅孝友之行追配古人瑰瑋之文妙絕當世舉以自代實允公議

庭堅館職得除集賢校理又逾年遷著作郎是時未及逾年似庭堅為校理

時也此狀無月日可考今以見於**邇英閣進讀**本集漢宣帝詔責杜延年治

十二月趙挺之奏贖囚列於前云**邇英閣進讀**本集漢宣帝詔責杜延年治

用人無內外輕重之異故雖杜延年名卿不免出為邊吏治效不進則詰責

之既進則褒賞之所以歷試人才考覈事功蓋如此孝宣之治優於孝文者

以此也馬周諫唐太宗亦以**十二月一日內中**年節詞語本集內中御侍以

為言治天下者不可不知也**十二月一日內中**年節詞語本集內中御侍以

首其一云伏以齊七政於機衡天人並應受三朝之圖籍海宇來同恭惟皇

帝陛下至仁無私神武不殺祖述堯帝歷象以授民時儀刑文王正家而齊

天下方肇新於歲律宜嚮用於神休妾等幸侍禁嚴仰陶化育願上萬年之

壽永膺百順之祥其二云伏以太簇旋宮既贊揚而出滯句芒司歷方布德

以緩刑恭惟太皇太后陛下化始六宮風行九有捐財振廩救民溝壑之中

求賢審官拔士茹茨之下方履端之資始膺景福於無疆妾等幸侍禁嚴粗

供婦職願獻岡陵之壽草木之忱其三云伏以三元資始稷禋以饒餘

寒萬寶更新播烈以興嗣歲恭惟皇太后殿下道光鴻內德配周南輔導兩

朝孝慈格於上下儀刑九御恭儉開於邇遐順履三陽誕膺百祿妾等幸

班禁掖久被餘光莫報生成之恩但祝靈長之算元祐二年十二月一日

已賜韓續等歷日勅書

本集賜外任臣察歷日勅書云勅韓續朕肇修人紀
祇畏天明欽若舊章式頒新歷凡我承流之寄共成

平秩之功元祐二
年十二月四日 **賜李之純辭恩命不允詔** 本集賜新除龍圖閣直學士李

祖宗之文章與典謀訓誥並寶於世典領其事非有德君子雖積勞久次不

以輕授蜀遠而人儒窮困抑塞至無所訴專欲以德安之故內閣之命非獨

以寵卿抑將使蜀人知朕用卿蓋以德選也其深識此意勿復固辭元祐二

年十二月四日 **詔** 李之純字端伯時守成都即端叔之兄也樂城集行李

之純實文閣直學士知成都府勅云改重職於西清付遺黎於右蜀與公所

撰詔合至一爲龍圖一爲寶文未便遽謂其誤或原降詞頭本屬寶文及撰

上又改龍圖此種參錯往往史傳記載互異蓋脫去其中原委之故撰詞各

有吏主染均不能誤也據徐一夔考云諸閣藏祖宗御書圖集太宗閣曰龍

圖真宗閣曰天章仁宗閣曰寶文神宗閣曰顯謨哲宗閣曰徽猷諸閣皆在

禁中閣置學士直閣又朝野以來朝野雜記云列宗皆有閣惟太祖英宗無

御集故不置閣觀此則詔 **上考試館職策問** 本集試館職策問云問古之君

中祖宗文章等語始悉

以論興亡之先後考古以證今蓋學士大夫之職而人主與羣臣之所欲聞

也請借漢而論之西漢十二世而有道之君六雖成哀失德禍不及民宜其

立國之勢強固不拔而王莽以斗筭穿窬之才談笑而取之東漢自安順以

降日趨於衰亂而桓靈之虐甚於三季其勢宜易動而董卓袁皆以絕人

之姿欲取而不敢曹操功蓋天下其才百倍王莽盡其智力終身莫能得 **召**

試學士院拔慶正一等置館職

東都事畧慶正一字明畧安州人元祐中蘇軾在翰苑試館職之士得正一對策奇之除

秘書省正字執門人黃秦張冕世謂之四學士每過賦賦必取密雲龍湓以

徵之正一詣賦謝賦亦取密雲龍以待正一由是正一之名亞於四人者籍

聖初入黨籍既監玉山稅以卒與成集行廖正一秘書省正字勅云朕登延

德良策之翰林爾雅言往古以及當世挺然不回朕甚嘉之東觀圖書之府

補册考義游於其間者皆士之選也爾雅言往古以及當世挺然不回朕甚嘉之東觀圖書之府

吾於養士亦厚矣勉於問學思所以成之下年公權知貢舉正一爲考

十一日賜于闐國黑汗王進奉登位勅書本集勅書云勅卿守藩西極慕

山之賁眷言忠恪良用歎咨元祐二年十二月十一日楊康國趙挺之復祖述沈括舒賈李定何正臣

李宜之失光庭賈易諂之說撫策問語論奏不報續通鑑長編十二月監

院選到召試廖正一館職策題王莽曹操所以懷奪天下難易莫不駭駭相

視撰題者蘇軾也監察御史趙挺之奏蘇軾舉自代薦黃庭堅庭堅罪惡尤

大尚列史局按賦學術本出戰國策蘇軾張儀縱橫揣摩之說近日學士院

策試廖正一館職乃以王莽袁紹董卓曹操蔡漢之術爲問公然欺罔二聖

之聰明而無所畏懼喬全來游贈詩二十一日記王詵所遺墨本集書雲堂

考其設心罪不可赦二年十二月二十一日駙馬都尉王晉卿致墨二十六九凡十餘品雜研之

作數十字以觀其色之深淺若果佳當擢合爲一品亦當爲佳墨予昔在黃

川鄰近四五郡皆送酒予合置一器中謂之雪堂義樽今又當爲雪堂義墨耶二十六日賜外任臣寮進賀受冊馬

詔勅 本集進賀太皇太后詔勅云勅禮以正各國之舊典載閱充庭之實式

冊告成宮闈之慶事君盡禮因物見誠乃眷賜馮京進賀節馬詔本集賜保

忠勳不忘嘉歎元祐二年十二月二十六日賜馮京受鉞將壇剖符畿甸効充

庭之駿足慶中火之良辰乃眷勳誠不忘嘉歎元祐二年十二月二十六日

與歐陽棐補之張耒游戒壇公愚自昏記未論齒目木集目忌點灑說云

无咎張文潛同在戒壇余病目昏數以熱水洗之文潛云目忌點當存之齒

有病當勞之不可同也治日當如治民治齒當如治軍治民當如曹參之治

齊治兵當如商鞅之治送家安國得教授歸成都作詩寄潘丙書本集與潘

秦此頗有理退而記之疾必全平愈酒坊果如意否韓氏園亭曾與葦平若果有亭榭佳者可以小

東坡甚煩葺治乳媪墳亦蒙畱意感戴不可言實兒想見頽然矣郭興宗舊

圖示及當為作名寫牌何親必安竹園復增葺否僕暫出苟祿耳終不與東

久客塵間東坡不可令荒蕪終當作主與諸君游如昔也願徧致此意與東

林廣惠論鐫碑法

本集與東林廣惠禪師書云古人字體殘缺處多美惡真

虧者補之餘者削之隱者明之斷者引之秋毫之地失其所體遂無可觀者

昔王朗文采梁鵠書鍾繇鑄謂之三絕要必能書然後刻况復摹哉三者常

相為利害則吾為張欽臣作仁宗御書頌本集仁宗皇帝御書頌敘云天禧

文猶有望焉爾為張欽臣作仁宗御書頌中仁宗皇帝在東宮故太傅鄧國

案

張文懿公諱士遜爲太子諭德帝親書十二字以賜之曰寅亮天地彌余一人又曰日新其德公之曾孫假承務郎臣欽臣以屬翰林學士臣蘇軾爲之頌
題淨因院臻老真贊木集淨因淨照臻老真贊云淨故能照爲照故淨亦莫能分視彼如此凡賊皆子喜甲怒乙雖子猶賊人方自我物固相物是故東坡卽此爲贊
爲王與作太宗御書跋書王與所藏太宗御書後云日行於天委照萬物之上光氣所及或流爲慶雲結爲丹砂初豈有意哉太宗皇帝以武功定禍亂以文德致太平天縱之能溢於筆墨搖蕩尺素之上弄翰團扇之中散流人間者幾何矣而三槐王氏得之爲多子孫世守之遂爲希代之寶又正之孫懿敏之子與出以示臣軾敬拜手稽首
作張益老十二琴銘本集十二琴銘一震陵孤桐二香林八書其後
八歸鶴九秋風十漁樵十一九州璜十二天球其震陵孤桐銘之後二句云二聖元祐歲丁卯器巧名之張益老餘不全載又案自目忌說以下七條皆元祐間事先後無考附載於此

蘇文忠公詩編註集成總案卷二十九終

武林韻山堂王氏藏版

蘇文忠公詩編註集成總案卷三十

仁和王文誥見大甫譏 男霖圻覆載

謂元祐三年戊辰

公年五十三是年三月御集英殿策進士賜諸科及第

國事呂大防太中大夫守尚書左僕射兼門下侍郎范純仁太中大夫守尚書右僕射兼中書侍郎劉摯守中書侍郎胡宗愈中大夫守尚書右丞十二月范鎮定鑄律度鐘磬等以進合禮部太常參定正月一日和子由官宿致齋詩大雪過常農民失

業商旅不通下詔引咎九日再上行差役不便劄

本集劄云元祐三年正月九日翰林學士知制誥兼

侍讀蘇軾劄子奏臣伏見陛下發德音下明詔以大雪過常農氣不效農夫失業商旅不行引咎在躬而詔下之夕雪作不已臣試論其近似者而陛下擇焉臣聞差役之法天下以爲未便獨臺諫官數人者主其議方司馬光在時則欲希合光意及其既沒則妄意陛下以爲主光之言殊不知光至誠盡公本不求人希合使光無恙至今見其法稍弊則更之久矣臣每見呂公著安燾呂大防范純仁皆言差役不便但爲已行之令不欲輕變兼恐臺諫分爭卒難調和願陛下問公著等令指陳差雇二法昔日雇役中等人戶歲出錢幾何今者差役歲費錢幾何及幾年一次差役者可以折長補短約見其數以此計算利害灼然臣前歲因詳定役法與臺諫異論遂爲其徒所疾屢遭口語今來所言若不合聖意卽乞責降以戒妄言詩此劄本集爲作二

月九日時方較士不應有此奏合後

十六日同傳堯俞胡宗愈錢鏐劉攽會

宴韓絳私第題團扇詩

會從官九人皆門生故吏宴於私第出家妓十餘人

奏樂其新寵曰魯生即公爲題團扇者也此詩查註類編上詔公與吏部侍

卷次韻韓康公置酒見雷詩後誤今據侯鑄錄改編於此

郎孫覺

東都事畧孫覺由給事中遷吏部侍郎本集貢院共論特

舍人孔文仲

通鑑長編二年十一月孔文仲爲中書舍人其知舉時正爲中

書舍人也同權知禮部貢舉公念大雪數千里道路艱寒舉子不及偏赴省試至

御試又以分考

迫促凡考官輒等第不一因上疏展限乞照南省不分初覆

考從之

本集劄云元祐三年正月日翰林學士知制誥兼侍讀蘇軾劄子奏

未有一分到闕朝廷雖議展限然迫於三月放榜所展日數不多欲乞自今

日已往更展半月若慮放榜遲延恐趁三月內不及即乞省試添差小試官

十人却促限五七日出榜臣竊見自來御試差官分爲初考覆考編排詳定

回處日限既迫以此初覆考官不敢候卷子齊足便定等第前後不相照或

寄於幸與不幸深爲不便不若只依南省條式聚衆考官爲一處通用日限

候卷子齊足衆人共定其等第不惟精詳寡失又御試放榜亦可以速了臣

竊意祖宗之法分考官爲四處以防弊俸今來既有封彌謄錄二十一日領

從欲循私其勢無由若只依南省條格委無妨礙乞賜詳酌

貢舉事本集書試院中詩云元祐三年正月二十一日領貢辟黃庭堅鄭君

乘上官均單錫劉安世李昭玘廖正一晁補之舒煥孫敏行蔡肇鄒浩張耒

李公麟梅灝等爲參詳點檢試卷等官同人試院黃魯直太學題名記云元祐三年正月東坡與華老

經父同知貢舉魯直熙叔元與彥衡子明爲參詳官君貺希古履中器之成

季明畧无咎堯文元忠遐叔子發君時天啓志完點檢試卷鄒君乘字元與嘗官於黃州又爲河陽俸見黃魯直題跋彥衡乃邵武上官均也君貺

乃宜興單錫也器之乃大名劉安世也成季乃濟北李昭玘也明畧乃安州

廖正一也无咎乃鉅野晁補之也堯文乃○陵舒煥也子發乃四川孫敏行

也天啓乃丹陽蔡肇也志完乃晉陵鄒浩也其自署爲魯直者乃分寧黃庭

堅也又有號子明者乃吳郡梅灝也餘未暇詳考者置弗論此但據所知者

耳又如舒城李公麟伯時淮陰張耒文潛皆同爲小試官而題名所無不題

姓名而稱太學題名記皆不可解公嘗謂魯直之文雖佳而不適於用知弟者莫若師其信然乎

直太學題名記云試禮部時大雪苦寒士坐庭中噤不能言公寬其禁約使

進士四千七百三十二人時大雪苦寒士坐庭中噤不能言公寬其禁約使

以為傷士心虧國體上巡鋪舉覺不當劄本集劄云元祐三年二月三日翰林學士知制誥蘇軾同孫覺孔文

仲劄子奏貢院今月三日據巡鋪官鄭永崇領押到進士王太初王博雅稱是傳義問得舉人各稱被巡鋪官誣執令巡鋪官宣德耶王厚將逐人卷子與衆官點對得逐人試卷內有一十九字同即不成片段本院檢準條貫惟經學不許傳義口授者同至於進士須是懷挾代筆方令扶出今來別無違礙顯是舉覺不當兼兩日內巡鋪內臣屢將曖昧單詞令本院扶出舉人今來進士尚有兩甲諸科尙有一十五場未曾引試若信令巡鋪官內臣挾情羅織即舉人無由存濟欲望聖慈速賜指揮或且勾回石君召十一日再劄鄭永崇兩人却差曉事使臣交替所責不致非理生事取進止十一日再劄

巡鋪內臣陳慥劄本集劄云元祐元年二月十一日翰林學士知制誥蘇軾

兵士高聲喝叫至今月十一日扶出進士蔣立時約有兵士三五十人齊聲大叫在院官吏無不驚駭尋取到虎翼節級李及等狀稱是巡鋪內臣陳慥指揮令衆人唱叫竊詳朝廷取士之法動以禮義舉人懷挾自有條法而內臣乃敢統合衆卒推辱舉人以立威勢傷動士心損壞國體本院無由指約伏望聖慈特賜有旨送內侍省撻逐之士皆悅服二十一日與黃庭堅蔡肇行遣取進止

會李公麟齋舍書鬼仙詩本集書鬼仙詩云忽然湖上片雲飛不覺中流雨

竿一百尺山中樓臺十二重山僧樓上望江上遙指檣竿笑殺儂湘中老人讀黃老手援紫蘊坐碧草春至不知湘水深日暮忘却巴陵道爺孃送我青

楓根不記青楓幾回落當時手刺衣上花今日爲灰不堪着浦口潮來初渺
漫運舟溶漾採花難芳心不愜空歸去會待潮平更折看酒盡君莫沽壺傾
我當發城市多驚塵還山弄明月卜得上峽日秋江風浪多巴陵一夜雨關
斷木蘭歌寒草白露裏亂山明月中是夕苦吟罷寒燭與君同元祐三年二
月二十一日夜與魯直壽朋天啓會李伯時齋舍此一卷皆仙鬼作或夢中
作也又太平廣記中有人爲鬼物所引入墟墓皆華屋洞戶忽爲劫墓者所
驚出遂失所見但云芫花半落松風晚清吾每愛此兩句故附之書末
春渚紀聞載黃魯直秦少游多寫仙鬼詩及道語人有求書者輒以此應之
至有一詩見百餘本者此豈公之遺風所及耶抑別有所避就耶壽朋不
詳何人是科添差小試官十人而題名記忽遺甚多疑此本有殘缺也

十九日論特奏名劄

蘇本集劄云元祐三年正月二十九日翰林學士知制誥

無過官冗人人能言其弊而不能去其害惟往年韓琦富弼等獨能裁減任
子及展年磨勸發議之初士大夫相顧莫敢以身當之者以爲必致謗議而
琦等不顧既立成法天下肅然無一人非之者何則私欲不可以勝公議故
也流弊之極至於今日一官之闕率四五人守之爭奪紛紜廉耻道盡中材
小官闕遠食貧到官之後求取漁利靡所不爲而民病矣今日之弊縱未能
分減豈忍更添臣等自入貢院四方免解舉人投狀稱今來是龍飛榜乞爲
敷奏法外推恩者不可勝數臣等伏見恩榜得官之人布在州縣例皆垂老
別無進望惟務躓貨以爲歸計貪冒不職十人而九朝廷所放恩榜幾千人
矣何曾見一人能自奮勵有聞於時而發民敗官者不可勝數無益有損不
言可知伏乞斷自聖意明勅大臣特奏名舉人只依近日聖旨指揮仍詔殿

試考官精加考較取一二十人委有學問詞理優長者即許出官其餘皆補文學長史之類不理選限免使積弊之極增重不已臣等非不知言出怨生既忝近臣理難緘默取進止三月二日奏號黃魯直太學題名記云三月戊申奏號進士

辛巳論之三月朔當在丁未戊申之間魯直不考校既畢六日待諸廳參會云朔即為三月二日是月乃丁未朔蓋大盡也

和黃庭堅書馬試院中詩本集書試院中詩云元祐三年二月初考校既畢待諸廳參會故數往詣伯時伯時苦水樺幅幅不欲食作欲碾馬以排悶黃魯直詩儀鸞供帳蟻蝨行翰林濕薪爆竹聲風簾官燭淚從橫木穿石盤未渠透坐廳不邀令人瘦貧馬百嚙逢一豆眼明見此玉花驄徑思着鞭隨詩翁城西野桃尋小紅蔡天啓晁无咎舒堯文廖明畧皆繼此不能盡錄予又戲作絕句竹頭搶地風不舉文書堆案睡自語看馬欲驟頓風塵亦思歸家洗袍袴伯時笑曰有頓塵馬欲入筆疾取紙來寫之後三月六日所作皆是也

榜出章援章持趙彥衛雲麓漫鈔云元祐三年先生知舉時致平為舉子初揭榜文始知子厚子開援持皆章孫恩蘇過斜川集孫志康墓誌云元祐三年致平乃援字也持同登第孫恩蘇過斜川集孫志康墓誌云元祐三年致平乃援字也持同登第孫恩蘇過斜川集孫志康墓誌云元祐三年致平乃援字也持同登第

取之者嚴而得之者固自可必也開總乃孫介夫之長子未弱冠時從公學於杭州已劉燾王明前揮塵後錄云東坡先生為韓魏公作醉白堂記王詳卷七總案劉燾荆公謂之云此韓白優劣論爾元祐中東坡知貢舉以尤

武何如高帝為論題張文潛作參詳官以一卷子攜呈東坡云此文甚佳蓋以先生辨白堂記為法東坡一覽喜曰誠哉是言擢真魁等後拆封乃劉蕡無言也劉蕡乃劉蕡劉誼之姪吳興人然見於施註者多有殘缺不能詳也據此條載有試題而題名記并張文潛遺之今補載李常寧

周壽史容山谷集註云濂溪二子壽字通老後改次元元祐三年李常寧榜登第終徽猷閣待制施註云終寶文閣待制歸濂溪周子道州營道

縣人壽乃次子也史文多不甚詳惟蘇元老傳載壽政和中為成都帥宰相喜開邊致茂州蠻叛壽遽下令招降元老移書止之且為決策壽不從以是

得罪本案後列元老傳可合觀也明年公帥杭章援為秀州幕皆登第李薦周壽為轉運判官並從公於杭公浚治西湖築長堤援有力焉

獨見黜為詩送之不相薦引讀之甚愧然其說不可不盡君子之知人務相勉於道不務相引於利也足下之文過人處不少如李氏墓表及子駁行狀

之類筆勢翩翩有可以追古作者之道至若前所示兵鑑則讀之終篇莫知所謂意者足下未甚有得於中而張其外者不然則老病昏惑不識其趣也

以此私意納翼足下積學不倦落其華而成其實深願足下為禮義君子不願足下豐於才而虧於德也若進退之際不甚慎靜則於定命不能有毫髮

增益而於道德有邱山之損矣古之君子貴賤相因先後相援固多矣賦非敢廢此道平生相知心所謂賢者則於稠人中譽之或因其言以考其實實

至則名隨之名不可掩其自為世用理勢固然非力致也陳履常居鄱下逾年未嘗一至貴人之門章子厚欲一見終不可得中丞傳欽之侍郎孫莘老

薦之賦亦掛名其間會朝廷多知履常者故得一官賦孤立言輕未嘗獨薦

人也爵祿砥世人主所專宰相猶不敢必而欲責於賦可乎較於足下非愛之深期之遠定不及此猶能察其意否足下但信道自守當不求自至若不深自重恐喪失所有言切而盡臨紙悚息魏了翁跋蘇文忠墨蹟云蘇公司貢則不惟遺其門人雖故人之子亦例在所遺觀其與李方叔詩及今蒲氏所藏之帖若將愧之者然終不以一時之愧易萬世之所甚愧此先正行已之大方也使士大夫常負蘇公之愧古道其庶幾乎

謝安公屢奏未出榜時

黨人先有失士之論蓋自知舉命下董敦逸已論奏取士必不當其餘造作不一而流傳小說多有章援章持竊得李廌策題之說此不足道也乃查註全載趙潛說而摘公與李廌書三數語自詡辯正其辯云此必章惇父子造爲此語以誣公惇父子大姦深險非癡騷者流何肯以此自誣此種辯正實出情理之外如查註引趙彥衛說即可不辯也今刪去錄公原書觀書中意方叔之文似未到岸卽再知舉未見其必售也讀魏了翁語辯者尤可愧矣

孔文仲力疾考校還家卒

宋史云三年同知貢舉文仲先有疾及是晝夜不廢職同院以其形瘠勸之先出或居別寢謝曰

居官則任其責敢以疾自便乎於是疾益甚還家而卒年五十一士大夫哭之皆失聲蘇軾拊其柩曰世方嘉軟熟而惡崢嶸求勁直如經父者今無有矣詔厚恤其家命弟平仲

十四日游金明池和宋肇韻

本集叔孫通不能致二生云賦以謂

爲江東轉運判官視其葬

池上并和颶雪中見憶詩邇英閣進讀

叔孫通制禮雖不能如三代然亦因

時施宜有補於世者魯二生非之其言未必皆當通以謂不知時變亦宜矣

然謹按揚子法言音齊魯有大臣史失其名或曰如何其大也曰叔孫通欲

制君臣之儀聘先生於齊魯所不能致者二人由此觀之大臣以道事君不可則止然後可以託六尺之孤寄百里之命若與時上下隨人俛仰雖或適用於一時何足謂之大臣爲社稷之衛哉宋以春二月至端午遇隻日輪官講讀其時公已領貢舉事據本集劄狀前後銜位皆載兼侍讀惟貢院諸劄不載此必有其制度在韓絳卒於京師喪還許州爲文祭之本集祭韓也因載此條於出院之後云韓絳卒於京師喪還許州爲文祭之云在昔仁祖清淨養民維時忠憲秉國之鈞盛大蕃衍啓其後人公暨叔季文武彬彬公相神宗重厚有體心存社稷輔以詩禮博陸堂堂扶陽濟濟公將於外鉞鉞彫戈虔共匪懈柔惠不苛韓侯奕奕申伯番番大明旣升克紹聖考介圭來朝黃髮元老帝曰汝哲王躬是保公勇於退連章告歸三公就第大政是咨五福具有謂當期頤天弗勖遺哲人其萎哀動兩宮士夫涕洟維此僚案拜公京師從容暇日引陪燕私詔言在耳已哭於帷在公已矣邦國之悲靈輅啓行宅兆有期舉觴一慟與公長作韓絳挽詞公以羣小攻擊辭續通鑑長編云元祐三年三月甲寅韓絳卒

不已連上劄以疾乞郡及召見宣仁諭曰兄弟孤立自來進用皆朝廷主張

今但安心勿恤人言不用更入文字求去公退上乞罷學士除閒慢差遣劄

本集劄云元祐三年三月日翰林學士知制誥兼侍讀蘇軾劄子奏臣近因宣召面奉聖旨何故屢入文字乞郡臣具以疾病之狀對又蒙宣諭豈以臺諫有言故耶孤立自來進用皆是皇帝與太皇太后主張不因他人來但安心勿恤人言不用更入文字求去臣退伏思念頃自登州召還至備

員中書舍人以前初無人言只從參議役法及崇播為學士後便為朱光庭

王巖叟賈易韓川趙挺之等攻擊不已以至羅織語言巧加醜醜謂之誹謗

未入試院先言任意取人雖蒙聖主知臣無罪然臣賦性剛拙議論不隨而

寵祿過分地勢侵迫故致紛紜亦理之當然也臣只欲堅乞一郡則是孤負

聖知上違恩旨今既未許請郡只乞解罷學士除臣一京師閒慢差遣如秘

書監國子祭酒之類或乞只經筵供職庶免衆人側目可以少安

韓川亦攻館職策問趙挺之言貢舉以三經四月四日公鎮宿禁中使宣

新義取人蘇軾主文決黜落長編謂誣之也

召入對內東門小殿簾中出除呂公著平章軍國事呂大防范純仁左右

僕射既承旨除目數句據邵博聞見後錄補載前已考定三月丁未朔則四月為丁丑朔其初四日乃庚辰也餘詳後註宣仁

論曰官家在此有一事久待要學士知學士進用乃神宗皇帝之意帝每歎

曰奇才奇才但未及進用卿耳公不覺失聲宣仁與哲宗皆泣左右亦感涕續通鑑長編云三年夏四月辛巳是夕蘇軾對於內東門小殿既承旨太皇太后忽宣論軾曰官家在此軾曰適已起居矣太皇太后曰有一事欲問內翰前年任何官職軾曰汝州團練副使曰今何官曰臣備員翰林充學士曰何以至此軾曰遭遇陛下曰不關老身事軾曰必是出自官家曰亦不關官家事軾曰豈大臣論薦耶曰亦不關大臣事軾驚曰臣雖無狀必不敢有干請曰久待要學士知此是神宗皇帝之意當其飲食而停筯看文字則

內人必曰此蘇軾文字也神宗每時稱曰奇才奇才但未已而命坐賜茶曰及用學士而上仙耳軾哭失聲太皇太后與上左右皆泣

內翰直須盡心事官家以報先帝知遇公拜而出撤御前金蓮燭送歸院

墓誌不載此事東都事畧雖載不系年宋史本傳載元祐二年似因有前年為團練語攷列於二年也續通鑑長編載於三年四月辛巳語較事畧宋史加詳又首有對於內東門小殿既承旨二語皆事畧本傳所無也邵博聞見後錄所載大畧與長編同其首云入對內東門小殿簾中出除目呂公著司空平章軍國事呂大防范純仁左右僕射既承旨較長編多除目數語此乃長編聞見錄同一所本而長編攷載除目復存畱既承旨句故其刪述顯然也又東都事畧云三年夏四月辛巳呂公著以司空平章軍國事呂大防尙書左僕射兼門下侍郎范純仁尙書右僕射兼中書侍郎其所載之日即長編載公入對之日也考本集內制三年四月四日行呂公著呂大防范純仁麻制其辭免不允三詔行於六日此乃四月五日之命而公以四日致宿禁中是夜承旨草麻據宋史凡草麻召對內東門次日即下又考二年十二月八日興龍節是日丙戌則辛巳在十二月三日凡歷百二十日而辛巳重遇當在三年四月三日中遇兩月小盡即又遇至五日此事畧所書乃五日之命故云辛巳而公之承旨草麻皆夜間事自應載於四日長編又以是夜屬之次日故亦云辛巳參觀諸**除呂公著同平章軍國事麻制**本集除呂公著說無可疑義則本傳為誤矣**除呂公著同平章軍國事麻制**同平章軍國事制云門下仁莫大於求舊智莫良於用衆既得天下之大老被將安歸以至國人皆曰賢夫然後用今朕一舉仁智在焉宜告治朝以孚大號金紫尤綠

大夫守尚書右僕射兼中書侍郎上柱國東平郡開國公食邑七千一百戶
食實封二千三百戶呂公著許謨經遠精識造微非堯舜不談昔聞其語以
社稷爲悅今見其心三年有成百揆時敘維乃烈考相於昭陵蓋清淨以寧
民亦勞謙而得士凡我儀刑之老多其賓客之餘在武丁時雖莫望於前烈
作召公考固無易於象賢而乃屢貢封章力求退避朕重失此三益之友而
閔勞以萬幾之煩是用遷平土之司釋文昌之任毋廢議論時游廟堂於戲
大事雖咨於房喬非如晦莫能果斷重德無逾於郭令而裴度亦奇安危罔
俾斯人專美唐世可特授司空同平章軍國事加食邑七百戶食實封三百
戶餘如故仍一月三赴經筵二日一入朝

除呂大防左僕射麻制

本集除呂大防左僕

詔

此三制成於頃刻之間擷史粹經悉出吐屬可見其奮迅如風矣所用民亦勞止取其以雅對頌天人貫下倉猝之際豈暇逐

句計其出處哉乃賈易彈章云呂大防麻制尤更倖慢其辭云民亦勞止庶
臻康靖之期識者聞之爲之股慄何至此於周厲王民勞板蕩之詩刺其亂
也其後坐譴謫乃羣小復伸

除范純仁右僕射麻制

本集除范純仁右僕射
制云門下朕惟朝廷之

前說趁鍋下米此其一款也
盛衰常以輔相爲輕重若根本疆固則精神折衝故薦呂臣奉已而不在民
則晉文無復憂色汲長孺直諫而守死節則淮南爲之寢謀朕思得其人付
之以政使天下聞風而心服則人主無爲而日尊容爾在廷咸聽朕命中大
夫同知樞密院事上柱國高平郡開國伯食邑九百戶食實封二百戶賜紫
金魚袋范純仁器遠任重才周識明進如孟子之敬王退若蕭生之憂國朕
覽觀仁祖之遺迹永懷慶歷之元臣強諫不忘喜臧孫之有後戎公是似命
召虎以來宣雖兵政之與聞疑遠猷之未究坐論西省進貳文昌增秩益封
兼隆異數於戲時難得而易失民難安而易危予欲守在四夷以汝爲優兵
之姚宋予欲藏於百姓以汝爲惜民之蕭曹勉思古人以稱朕意可特授太
中大夫守尚書右僕射兼中書侍郎進封高平郡開國侯加食邑七百戶食
實封三百戶餘如故

五日作宋子房書山水跋

本集跋宋漢傑畫云僕曩與
宋復古游見其畫滿湘晚景

元祐三年四月四日
爲作三詩其畧云逕遙趨後峻水會赴前溪復古云子亦善畫也耶今其猶
子漢傑亦復有此學假之數年當不滅復古元祐三年四月五日書又云唐
人王摩詰李思訓之流畫山川峯麓自成變態雖蕭然有出塵之姿然頗以
雲物間之作淨雲杳靄與孤鴻落照滅沒於江天之外舉世宗之而唐人之
典刑盡矣近歲惟范寬稍存古法然微有俗氣漢傑此山不古不今稍出新
意若爲之不已當作着色山也又云觀士人畫如閱天下馬取其意氣所到

乃若畫工往往只取輓策皮毛槽檉剔抹無一點俊發看數尺許便卷厲傑
真士人畫也夏文彥圖繪寶鑑云朱子房字漢傑鄭州滎陽人少府監選之
子復古之姪善畫山水不古不今稍出新意官至正郎漢傑之

孫莊字臨仲其山水氣韻得家法餘已見卷三總策宋選條下
六日賜呂公

著辭恩命詔本集賜新除守司空同平章軍國事呂公著辭免恩命不允詔
酌處其中使卿獲居勞逸之間而朕不失仰成

之託於義兩得夫復何辭元祐三年四月六日**賜呂大防辭恩命**詔本集賜
中大夫守尚書左僕射兼門下侍郎呂大防辭免恩命不允詔云勅大防端

揆黃門之任虛之久矣以卿德望兼重才術有餘故授之不疑渙號已行僉
言惟允務稱朕命卿其少

安元祐三年四月六日**賜范純仁辭恩命**詔本集賜新除太中大夫守尚
仁辭免恩命不允詔云勅純仁國之安危寄於宰輔朕豈苟然而輕授也試

之以事而不移懈之於心而不貳成命已出豈容復回在修厥官以稱朕意

元祐三年**七日賜劉摯辭恩命**詔本集賜新除依前中大夫守中書侍郎劉
四月六日

省建丞弼雖所治不同至於因時立政昭德塞違其實一也

卿既任其事矣今以次遷無足辭者元祐三年四月七日**賜王存辭恩命**

詔本集賜新除依前中大夫守尚書左丞王存辭免恩命不允詔云勅王存
之威允國之常典何以辭

為元祐三年四月七日**賜胡宗愈辭恩命**詔本集賜新除中大夫守尚書

詔云勅宗愈昔在諫垣首開正論出入滋久操守不同雅望在人既非一日之積歷試而用亦自羣言之公毋復固辭以就遠業元祐三年四月七日

賜趙瞻辭恩命詔本集賜新除依前中大夫充樞密直學士簽書樞密院事趙瞻辭免恩命不允詔云勅趙瞻朕惟本兵之地司命吾

民矧羌戎叛服之無常實邊鄙安危之未決豈以此柄輕授其人以卿望重縉紳學兼文武歷試而用衆言允諧往踐厥官勿違朕命元祐三年四月七日

八日賜孫固辭恩命詔本集賜新除門下侍郎孫固辭恩命不允詔云勅

人意其風采之聲聞可使朝廷之增重矧卿德望素著奇任已隆昔冠西樞今戒東省其承休寵以副眷懷元祐三年四月八日

許將赴闕詔本集賜新除翰林學士朝請大夫知制誥許將赴闕詔云勅許

將卿敏而好學達於從政出殿方圓則修儒術以飾吏事入備顧問刑酌民言以廣上聽待命北門號稱內相雖於卿爲舊物

公著斷來章批答本集賜新除司空平章軍國事呂公著上第二表辭免恩

命不許斷來章批答云省表具之夫國以得人爲強如猛獸之衛藜藿以積賢爲寶如珠玉之茂山川湛然無爲物自家利故崔公發

議則澗青慙服知朝廷之有人蜀使抗辭則孫權回顧歎張昭之不在得失之效豈可同日而語哉朕之用卿意實在此

賜呂大防斷來章批答本集賜

尚書左僕射兼門下侍郎呂大防上第二表辭免恩命不許斷來章批答云卿有夷狄盜賊之虞倉廩禮樂之歎陰陽風雨之憂此三者誠當今之大計

朕之所以中夜不寐寢食太息者正爲此也孟子曰責難於君謂之恭夫既

以責其君而不以身任之者非仁人也願卿慨然當古人之重畧世俗之謙

務踐斯言憂此三者元**賜范純仁斷來章批答**兼中書侍郎范純仁上第二

祐三年四月十二日表辭免恩命不許斷來章批答云吾聞之乃烈考曰君子先天下之憂而憂

後天下之樂而樂雖聖人復起不易斯言卿將書之紳銘之盤盂以爲一言

而可以終身行之者孰則今茲爰立之命乃所以**賜劉摯斷來章批答**本集

委重投艱而已又何辭乎元祐三年四月十二日**賜劉摯斷來章批答**賜新

除守中書侍郎劉摯辭免恩命不許斷來章批答云朕積服之初卿言責是

任歷陳治道之要以立太平之基朕欲行其言遂授以政歲月未幾紀綱畧

陳欲究觀心術之微宜擢居政本之地苟無愧於允蹈豈不**賜王存斷來章**

賢於力辭祇服朕官思所以稱而已元祐三年四月十二日**賜王存斷來章**

批答本集賜新除守尙書左丞王存辭免恩命不許斷來章批答云夫志大

堅無倦之意以觀可久之**十三日賜孫固斷來章批答**本集賜新除門下侍

業元祐三年四月十二日許斷來章批答云卿奉事先帝有勸學之舊與聞機政有已試之功固非

微等之選獨恨用卿之晚勉循大義毋事小廉元祐三年四月十三日

四日賜胡宗愈斷來章批答本集賜新除守尙書右丞胡宗愈辭免恩命不

多乏於用強濟者或涼於德有德適用如卿幾人方觀卿謀國之

良以成朕知人之美戴開來章甚非所望元祐三年四月十四日**賜趙瞻斷**

來章批答

本集賜新除充樞密直學士簽書樞密院事趙瞻辭免恩命不允

仕而白首遇合則君子之用舍進退蓋亦有時矣勉行其道無失斯時苟能

遇事而必為則亦立功之未晚古人之事將見於卿元祐三年四月十四日

十八日賜河北兩路諸軍秋季銀鞋兼傳宣撫問臣寮將校口宣本集口宣

等憂寄之深疆事靡盬眷言勞勩想各平寧十九日宣召許將入院口宣本集

體我至懷受茲時賜元祐三年四月十八日二十日賜西蕃首領

口宜云有勅卿拔自循良老於文學禁林之命儒者

所榮往祇厥司以究所蘊元祐三年四月十九日

阿里骨詔本集賜河西軍節度使西蕃邈川首領阿里骨進奉回詔云勅阿

里骨惟爾祖先世篤忠孝本與夏賊日尋干戈亦惟恃我朝廷爵

秩之隆用能保爾子孫黎民之衆肆朕命爾嗣長乃師而承襲以來強酋外

擅爾弗能禁恣其所為遂據洮城以犯王畧陰連夏賊約日盜邊朕愍屬羌

之無辜出偏師而問罪元惡俘獲餘黨散亡山後底平河南般服朕惟率酋

豪而捍疆場乃爾世功叛君父而從仇讎豈其本意庶能改過未忍加兵果

因物以貢誠願洗心而効順爾既知悔朕復何求已指揮熙河路更不出兵

及除已招納到部族外住罷招納依舊許般次往來買賣及上京進奉兩宜

約束種類共保邊陲期寵祿於有終知大恩之難五月一日同轉對條上三

再勿使來款復為虛言元祐三年四月二十二日

事并和子由詩本集狀云元祐三年五月一日翰林學士知制誥兼侍讀蘇軾

狀狀奏準御史臺牒五月一日文德殿視朝臣次當轉對謹

條上三事如左一祖宗之制自兩省兩制近臣六曹寺監及典大藩鎮奉使一路出入辭見皆得奏事殿上陛下嗣位以來惟執政日得上殿外其餘獨許臺諫官及開封知府上殿若此十餘人者而民之利病不以實告則陛下便謂天下太平無事豈不殆哉方今天下多事機鏗盜賊四夷之變民勞官冗將驕卒惰財用匱乏之弊不可勝數而政出帷箔決之廟堂大臣尤宜開兼聽廣覽之路而避專斷壅塞之嫌非細故也伏望更與大臣商議其餘臣僚舊制許請開奏事及出入辭見許上殿者皆復祖宗故事則天下幸甚其一惜名器一次放進士諸科約八九百人一次郊禮奏補子弟約二三百人而軍職轉補雜色入流皇族外戚之薦不與至嘉祐末年舉人盡賜出身近族流弊之極乞詔大臣詳議今後諸科過落之法及奏名出官務在精覈其一論冗官舊文官遇科場試策論蔭武官卽試弓馬三人中解一人及年二十五已上方得出官如三試不中年及三十五已上亦許出官二條相爲表裏文繁不能節三日記蘇頌言張士遜中孔道輔事本集記孔道輔事錄述其大吉而已中丞勣馮士元事盡法不阿仁宗稱之有意大用時大臣與士元通姦利最甚者宰相程琳道輔旣得其情矣而退傅張士遜不喜道輔欲有以中之上使道輔送劄子中書士遜屏人與語久因言公將大用道輔士遜云所以致此誰之力也非程公不致此道輔悵然愧而德之不數日上殿送力救琳上大怒旣貶琳亦黜道輔究州道輔知爲士遜所賣陳慥訪公京師寓暮草感憤得疾死中路元祐三年五月三日聞之蘇子容陳慥訪公京師寓暮草於汶公浴室公與范百祿黃庭堅數來游題其父希亮所藏柏石圖詩此詩

施註原編五月一日同轉對詩後查註謂公去黃後無與陳季常唱和詩因
改編黃州卷內合註從誤今考本集與陳季常書云其局事雖清簡而京
之下豈有閑人不覺切切過日勞而無補顏髮蒼然見必笑也聞公有意入
京不知幾時可來如得一會何幸如之又據所載黃庭堅跋語陳季常以元
祐三年寓碁簞於興國浴室公與范百祿黃庭堅時過之而山谷題跋亦載
此文是施編並不誤查註直夢嚙耳今復施編之舊餘詳後跋浴室題名條
下

宋子房惠李承學墨謝以詩

此詩施註原編不載外集載試院觀伯
合註復收入補遺中漢傑乃宋選之子特欲滅跡又以季常為可棄故改編
前作并刪此詩也外集編知貢舉時與公畫跋年月相符是漢傑之在京審
矣今據此

六月二日瑤津亭祈雨齋
文集後苑瑤津亭開啓祈雨道場齋
改編入集

十四日賜恩翼等州修河官吏兵級傳宣撫問口宣
秋乏雷雨之施嗟人何罪逢歲之艱自非妙覺之等慈孰拯疲民於重困有
嚴禁苑祇建淨筵念我憂勞錫之齋澤非獨起枯焦於田野抑將掃疾疫於
里閭嘉與合生永均介

賜馮京銀合茶藥口宣
本集賜北京恩翼等州修河官吏及都轉運使運判監承等銀合茶藥并兵
級等夏藥特支兼傳宣撫問口宣云有勅卿等夙夜河壩暴露野次屬茲暑
雨深軫予懷往示寵頒少慰

作德音赦
藥口宣云有勅河役方興吏民在野暑雨之際綏御
為勞膺此寵頒尙加慎護元祐三年六月十四日

案

下朕以眇躬復御大器仰聖后之慈訓荷先烈之永圖四載於茲陟道尚淺
凜然祇揚若履淵冰思所以慰安人心奉若天道常慮一夫之失所以傷萬
物之太和調苛去煩夙夜願治乃自去冬連月降雪異常今春以來久陰不
霽農夫失職商旅不通比屋之間凍餒彌甚常寒之罰咎在朕躬惟日兢兢
以圖消復潔精致禱神眷未孚克已自持協氣無應切慮四方獄犴寬滯尚
多工役煩興人吝胥怨鬱成繆斲之變以干陰陽之和宜均煥恩以召善氣

於戲遇裁祇戒聿修信順之誠正事布和庶獲 **七月八日遼國賀坤成節**

天人之助咨爾中外咸體朕懷元祐三年六月 **使副入見訖歸驛御筵口宣**
本集口宣云有勳卿等初視使車已陳慶幣退
安館舍往錫燕觴式示眷懷且旌勞勩元祐三

年七月 **十二日賜文彥博已下香酒果口宣**
本集賜大師文彥博已下罷散
坤成節道場香酒果口宣云有

勅元老在廷百官承式啓法筵於梵宇祝壽般於 **館伴北使於都亭驛觀劉**
慈闈宜有寵頒以助燕喜元祐三年七月十二日

元方所藏虞鴻草堂圖作詩會追過遠同來省併使之因跋其後
盧鴻學
士草堂

圖詩云昔為太室游盧巖在東麓直上登封壇一夜萌生足徑歸不復往巖
壑空在目安知有十志舒卷不盈幅一處一廬生裘褐蔭喬木方為世外人
行止何須錄百年入篋筍犬馬同一束嗟余縛世累歸來有茅屋江干百畝
田清泉映修竹尚將迷姓名豈復上圖軸本集跋虞鴻學士草堂圖云此唐
丞相段文昌本今在內侍都知劉君元方家元祐三年七月予館伴北使於
都亭驛劉以示予為賦此篇追過遠來省書令同作 **端** 此詩施註原編不

載王註本七集本皆載邵註本入續補遺查註謂樂城集亦載此詩子由有登嵩山諸什故起句云然而公未嘗游太室因列入互見卷中合註仍之今據草堂圖跋此詩實爲公作又公自跋先君昔愛洛城居一首云其後雖不過洛而此意未忘參觀此語似公亦嘗過洛者查註之說亦難定斷其樂城集雖云子由自定然如吳子野實未至徐而子由在徐有贈子野詩似此謾編不少則此詩亦未見必爲子由作也各本載此詩多譌字今從樂城集更正載入案中

十六日遣輔臣就驛賜還國賀坤成節使副宴口宣

本集口宣云有勅卿

仍加寵賚以示眷懷元祐三年七月十六日送程之元赴江西漕周尹知東

川詩續通鑑長編元祐三年七月十九日賜新除殿前都指揮使武泰軍節

度使苗授辭恩命不許批答

本集批答云覽表具之環衛之嚴節制之重詔告多士以長萬夫朕豈輕用其人哉確然固辭

未喻厥指往祇

二十一日賜曾布乞閑慢州郡不允詔

本集賜龍圖閣學士

太原府曾布乞除閑慢州郡不允詔云勅曾布將不久任難以責成謀不素

定難以應律卿屢試劇郡所臨有聲而况二年於茲諸將所服事既卽敕人

誰易卿夫搗虛攻堅兵家常勢知難避整夷狄亦然卿若有以待

二十七日

之彼將望而去矣勉卒乃事毋忘朕言元祐三年七月二十一日

壽聖禪院粉壇齋文

本集顯聖寺壽聖禪院開啓太皇太后消裁集福粉壇道場齋文云伏以躬儉節用本嚴房闈之風遺大投報

偶當廟社之寄常恐德之弗類以召於厥身敢即仁祠舉陳淨供希延梵
釋普施人天俾壽而康非獨轉安於寡昧與民同利固將燕及於華夷仰與
能仁曲垂昭鑑元祐三年七月二十七日二十九日奉宸庫翻修齋文
本集奉宸庫翻修聖字等

文云伏以貨幣所藏有壞必真聽直之鑑既成乃安爰仗佛
慈以綏神守庶祈昭格永底純熙元祐三年七月二十九日八月五日作

樂說本集苦樂說云樂事可慕苦事可畏此是未至時心耳及苦樂既至以
樂說身履之求畏慕者初不可得况既過之後復有何物比之尋聲捕影繫

風趁夢此四者猶有髮鬢也如此推究不免是病且以此病對治彼病同子
彼此相磨安得樂處當以至理語君今則不可元祐三年八月五日書

由孫敏行秦觀游相國寺觀王詵墨竹題名寺壁
周公謹祭辛雜志戴羅齋
可再游汴梁記相國寺石

刻題名云蘇子瞻子由孫子發秦少游同來觀晉卿墨
竹申先生亦來元祐三年八月五日老申一百一歲游碣石棣作澁菴主

詩題察此詩查註從續補遺卷內移編元年丙寅合註謂為未確而公
言在京無與相國寺僧他作今據石刻題名類編於此餘詳本詩題下十八

日示諭武泰軍官吏軍人僧道百姓等勅書
本集勅書云勅朕以苗授賦材
勇嚴馭眾整暇擢為宿衛之長

寵以節旄之榮惟爾邦人當喻
遜英閣進讀按漢制博士秩皆六百石耳然
朕意元祐三年八月十八日

朝廷有大事必與丞相御史九卿列侯同議可否蓋親儒臣尊經術不以小
臣而廢其言故秋山得與張湯爭議上前此人臣之所甚難而人主之所欲

聞也溫頰以來之虛懷以受之猶恐不敢言又况如武帝作色憑怒致之於死乎故湯之用事至使盜賊半天下而漢室幾亂蓋起於狄山之不容也

九月一日蹕宮師送石揚休北使敘

本集跋送石昌言引云右嘉祐元年九月十九日先君送石昌言北使文一首

其字則軾年二十一時所書與昌言本也今蕃於陳履常氏昌言名揚休善為詩有名當時終於知制誥彭任字有道亦蜀人從富彥國使虜還得靈河縣主簿以死石守道嘗稱之曰有道長七尺而膽過其身一日坐酒肆與其徒飲且酣聞彥國當使不測之虜憤憤推酒牀拳皮裂遂自請行蓋欲以死扞彥國者也其為人大畧如此然亦任

二日賜文彥博乞致仕不許批答

本集

依好殺云元祐三年九月初一日題賜太師平章軍國重事文彥博乞致仕不許批答云覽表具之昔師尙父九十秉旄仗鉞猶未告老此諸葛元遜所以屈張昭也而衛武公百年猶箴儆於國曰無以我老髦而捨我此左史倚相所以誨申公也今卿壽考康寧而退托衰病自引求去獨不念天下之士有如彼二子者議其後乎姑安厥官以答公論元祐三年九月二日

五日邇英進讀寶訓上述裁診論賞罰及修河事繳進歐陽

修義狀劄

本集劄云元祐三年九月五日翰林學士知制誥兼侍讀蘇軾劄子奏臣今日邇英進讀寶訓及雍熙淳化間事太宗皇帝每見時

和歲豐雨雪應時喜不自勝又是日焚感與日同度太史奏言當早既而兩足歲豐臣讀至此因進言水旱雖天數然人君修德可以轉裁為福自二聖嗣位於今四年恭儉慈孝至仁至公可謂盡矣而四年之中非水則旱日月薄蝕五星相凌淫雨大雪常寒久陰之類殆無虛月豈盛德之報也哉臣愚

無知竊謂陛下身修而政未修故監司守令多不得人百姓失職無所告訴也臣請畧而言之去年熙河諸將力戰此奇功也故增秩賜金涇原諸將閉門自守使賊大掠而去若涉無人之境此罪人也亦增秩賜金賞罰如此何以使人廣東妖賊岑探反圍新州差將官童政救之政賊殺平民數千其害甚於岑探朝廷使江西提刑傅燧體量其事變畏避權勢歸罪於新州官吏又言守城之功乞以功過相除愚弄上下有同兒戲岑探聚眾搆謀經年乃發而所部官吏茫不覺知使一方赤子肝腦塗地然亦止於薄罰童政凶狡貪殘以致數千人無辜就死亦止降一差遣近日溫果誘殺平民十九人及行下本路乃云殺時不可辨認白日殺人不辨男女豈有此理若不窮究曲直則小人得志天下之亂可坐而待此臣所謂賞罰不明之咎也黃河自天禧已來故道漸以淤塞每決而西以就下耳熙寧中決於曹村先帝盡力塞之不及數年遂決小吳先帝聖神知河之欲西北行也久矣今強塞之縱獲目前之安而旋踵復決必然之勢也故不復塞今都水使者王孝先乃欲於北京南開孫村河欲奪河身以復故道此豈獨一方之安危天下之休戚也今內自工部侍郎都水屬官外至安撫轉運使及外監丞皆以爲故道高仰勢若登屋功必無成獨一孝先以爲可作臣採察衆論以爲此役不可不罷若今歲罷役不過枉費九百萬物料虛役二萬兵工若更接續興修則來歲當役數十萬人仍費三千餘萬若將三千萬物料分作數年因水所欲行之地稍立隄防增卑培薄數年之後必漸安流何苦徇一夫之私計逆萬人之公論以踵必不可成之役乎此臣所謂措置不當之咎也臣竊見仁宗朝名臣歐陽修爲學士日有修河議狀二篇雖當時事宜而其所畫利害措置方

啓頗切今日之事臣以爲十七日書贈柳仲矩木集書贈柳仲矩云柳十九

可用故輒繕寫進呈聖鑑飯食我且言百泉之奇勝勸我卜鄰此心飄十八日作文驥字說字說云馬

然已在太行之麓矣元祐三年九月十七日之於德力盡於蹄齧智盡於竊術詭譽以蹄齧之力爲千里以竊詭之智爲

道迷此之謂驥文與可學士之孫逸民秀才之子蘇子由待郎之外孫小名驥孫因名之曰驥不稱其力稱其德字之曰元德此兒一二十八日作還丹

日千里吾輩猶及見之元祐三年十月癸酉門下後省書訣本集大還丹訣云凡物皆有英華賦於形器之外爲人所喜者皆其華也

形自若也而不見可喜其華亡也故凡作而爲聲發而爲光流而爲味蓄而爲力浮而爲膏者皆其華也吾有了然常知者存乎其內而不物於物則

此六華者皆處於此又安得不赴其類而歸其根乎吾方養之以至靜守之以至虛則火自煉之水自伏之升降開闔彼自有數日月既至自變自成吾

預知可也易曰精氣爲物游魂爲變傳曰用物精多則魂魄強禮曰體魄則降志氣在上人不爲是道則了然常知者生爲志氣死爲魂神而升於天此

六華者生爲體爲精死爲魄爲鬼而降於地其知是道者魂魄合形氣一其至者至騎箕尾而爲列星敬之信之密之行送錢總出守越州續通鑑長編

之守之終之元祐三年九月二十八日書月錢總出程之邵出守泗州曹輔赴闈漕詩施註曹輔元祐三年九月自

知越州以羣小交攻譏謗日至復引疾乞外特降詔不允遣使存問十月七日賜御

膳進謝賜表

本集表云臣伏蒙聖恩特賜寬假將理今月七日又蒙中使臨

芒刺踏涪雖小能延兩耀之光寸草何知莫報三春之澤正使豚魚幽陋木

石堅頑亦將激勵忘軀奔走赴職而臣尚有無厭之請敢守不移之愚在法

當誅原情可憫竇以負薪之疾積有歲時勿藥之祥恐非且夕終願江

淮之一郡以安犬馬之餘生尚冀此身未填溝壑期於異日別効涓埃

日再上陳情乞郡劄

本集劄云元祐三年十月十七日翰林學士知制誥兼

曠職之憂壓乞一郡伏蒙聖慈降詔不允遣使存問賜告養病恩禮之重萬

死莫酬然臣終未敢起就職事者竇亦有故言之則觸忤權要得罪不輕不

言則欺罔君父誅罰尤大故卒言之陛下踐祚之始收臣於九死之餘半年

之間擢臣為兩制之首方將致命豈敢告勞特以臣拙於謀身銳於報國致

使臺諫例為怨仇臣與故相司馬光雖賢愚不同而交契最厚光既大用臣

亦驟遷在於人情豈肯異論但以光所建差役一事臣實以為未便不免力

爭而臺諫諸人皆希合光意以求進用及光既歿則又妄意陛下以為上尤

之言結黨橫身以排異議有言不便約共攻之其後刑部侍郎范百祥與門

下侍郎韓維爭議刑名欲守祖宗故事不敢以疑法殺人而諫官呂陶又論

維專權用事臣本蜀人與此兩人實是知舊因此韓氏之黨一例疾臣指為

川黨御史趙挺之在元豐末通判德州而著作黃庭堅方監本州德安鎮挺

之希合提舉官楊景柔意欲於本鎮行市易法而庭堅以謂鎮小民貧不堪

誅求若行市易必致星散公文往來士人僞笑其後挺之以大臣薦召試館

職臣竇對眾言挺之聚斂小人學行無取豈堪此選又挺之妻父郭繁為西

蜀提刑時本路提舉官韓玠違法虐民朝旨委繫體量而繫附會隱庇臣弟
曠爲謀官劾奏其事玠鑿並行黜責以此挺之疾臣尤出死力臣二年之中
四遭口語發策草麻皆謂之誹謗未出省榜先言其失七以至臣所薦士例
加詆讟近日王觀言胡宗愈指臣爲黨孫覺言丁騭云是臣親家臣與此兩
人有何干涉而於意外巧構曲成**卧病逾月請郡不許復值玉堂**周密齊東
以積臣罪臣若不早去必致傾危**卧病逾月請郡不許復值玉堂**野語云洪
景廬居翰苑日嘗入直事竟小步庭間見老叟負暄花陰誰何之云京師人
也累世爲院吏今八十餘幼時及識元祐間諸學士今子孫復爲吏故養老
於此因言聞今日文書甚多學士才思敏捷真不多見洪矜之云蘇學士想
亦不過如此速耳復首肯咨嗟曰蘇學士敏捷亦不過如此但不曾檢閱書
冊耳洪爲赧然周密此條**二十三日書出局詩**本集書出局詩云急景
可補公當制事實附載於此
杯不能飲待得卯君來今日局中早出陰晦欲雪而子由在戶部晚出作此
數句忽記十年前在彭城時王定國來相過留十餘日還南都時子由爲宋
幕定國臨去求家書僕醉不能作獨以一絕與之云王郎西去路漫漫野店
無人霜月寒淚濕粉樓書不得憑君送與卯君看卯君子由小名也今日情
味雖差勝彭城然不若同歸林下夜雨對牀乃爲樂耳元祐三年十月二十
三日**卧病逾月請郡不許復值玉堂**三句本在十一月一日詔賜宮燭
法酒題上此乃記復值玉堂後賜物之日非謂以是日復值玉堂也據此記
則二十三日之前已值玉堂故有出局之詩今移此三句於前詩題則仍其
舊**三十日內中冬至詞語**本集內中御侍已下賀冬至詞語三首其一云伏
云**三十日內中冬至詞語**以日合天統時推建子之正律中黃鍾氣驗徵陽

之應德施自上惠均於民伏惟皇帝陛下道配皇王化行夷夏觀其來復見
 乎天地之心靜以無為待此陰陽之定雲物告瑞官聲協和豈惟至治之祥
 自得上天之祐一人有慶萬壽無疆妾等蒙被天光叨塵婦職敢獻如山之
 祝庶同率土之歡其二云伏以書奏清臺驗歷家之遠密日移黃道迎化國
 之舒長靈宇和平宮闈歡豫恭惟太皇太后陛下教隆陰禮位正坤儀嗣太
 任之德音道光千古衣明德之大練儉化六宮體柔靜以臨朝配清明而燭
 物慶雲可望共占至治之祥彤史何知莫贊無為之德妾等猥參女職仰奉
 慈顏因來復之一揚祝無疆之萬福其三云伏以候氣葭灰喜律筒之已應
 課功綵線知宮日之初長品物向榮掖廷胥悅恭惟皇太后殿下母臨四海
 婦應東朝求賢審官但有憂勤之志躬儉節用豈忘澣濯之衣宜福祿之日
 康樂宮闈之無事妾等濫塵女職獲奉慈顏願先柏
 酒以稱薦更指椿年而獻壽元祐三年十月三十日十一月一日鎖院苦寒

詔賜宮燭法酒書皇同院送周表臣出守漢州詩六日相州賜遼國賀興龍

節使副御筵口宣 本集口宣云有勅卿等將命鄰邦服勤郵傳久傳風露

八日賜宗晟斷來章批答 本集賜皇伯祖宗晟辭免起復恩命不允斷來章

忠孝之兩全勉從朕言起服乃 **邇英閣進讀** 本集文宗訪鄭公後得維譽云

事元祐三年十一月十八日 **邇英閣進讀** 本集文宗覽正觀事而思魏

鄭公之後亦有意於善治矣雖然唐室凌遲未易興起非高才偉人無足以

圖之而信訓性之狂謀幾隕宗社良可歎也至於獎魏譽之極諫願處於無

過之地亦賢君之用心也謂鄭公之後北作寒拱辰道士真贊本集葆光

宋時有訪之者其告身猶存然凌夷之甚矣法師真贊

云嗟夫法師行年四十有四而不知牝牡之欲身居京邑而不營利欲之私

體無威容口無文詞頭如蓬蓽性如鹿麋意之所向雖金石莫隔而鬼神莫

逆此所以陟降天門睥睨帝所而終莫能疑者耶又黃庭堅贊故云余既青

黃庭內景以贈葆光法師而龍眠居士畫余二人像其後謂是時拱辰在

京公有送歸廬山詩三十日賜李璋已下香酒果口宜本集賜馬都尉李

此贊必同時所作也璋已下罷散與龍節

道場香酒果口宜云有勅震夙紀辰邇遐同祝乃眷戚藩之重十二月一日

頭修淨供之嚴亦既告成宜膺龍錫元祐三年十一月三十日賜皇伯祖宗暉已下香酒果口宜本集賜皇伯祖祠濮王宗暉已下罷散與

乃心王室修彼龍天之供慶茲虹霓之祥宜五日班荆館賜遼國賀興龍節

有頒分以成燕喜元祐三年十二月一日五日班荆館賜遼國賀興龍節

使副到闕御筵口宜本集口宜云有勅卿等遠將鄰好至止都門屬霜霧之

二月玉津園賜遼國賀興龍節使副射弓御筵口宜本集口宜云有勅卿等

斌實於靈囿將觀德於射侯宜有寵六日與過論詩人寫物本集評詩人寫

頌以旌命中元祐三年十二月五日六日與過論詩人寫物本集評詩人寫

物之功桑之未落其葉沃若他木殆不可以當此林逋梅花詩云疎影橫斜

水清淺暗香浮動月黃昏決非桃李詩皮日休白蓮花詩云無情有恨何人

案

見月曉風清欲墮時決非紅蓮詩此乃寫物之功若石曼卿紅梅詩云認桃
無綠葉辨杏有青枝此至陋語蓋村學中體也元祐三年十二月六日書付
過七日退朝微雪與子由飲王鞏清虛堂觀近作子由嘗與孫洙過此感念

存沒悲歎久之夜歸各賦一詩八日朝賀興龍節侍宴殿門外以詩示鞏賜

宴尚書省記蘇頌言真宗信李沆事本集記真宗信李沆事云真宗時或薦

時沆之沒蓋二十餘年矣歐陽文忠公問蘇子容曰宰相沒二十餘年使人

主信其言以何道子容言獨以無心故耳軾因贊其語且言陳執中俗吏耳

特至公猶能取信主上况如李公之才識而濟之再記王鞏述陳執中薦吳

以無心耶元祐三年興龍節賜宴尚書省論此

育事本集記又云是日王鞏云其父仲儀言陳執中罷相仁宗問誰可代者

從者上愕然即除西京留臺以此觀之執中雖俗吏亦可賢也有九日賜蔡

之不相命矣夫然晚節有心疾亦難大用仁宗非棄才之主也

確乞量移弟碩允詔本集賜正議大夫知鄧州蔡確乞量移弟碩允詔云勅

母之念碩之得罪事在有司難以貨近之親而廢朝廷之典及觀來請有

築子心重違兄弟急難之詞以傷人子素養之意元祐三年十二月九日十

日賜賀興龍節尚書省宰相已下酒果口宣本集口宣云有勅誕彌之慶中

外所同眷我臣鄰共茲燕喜宜

加龍寶以示眷懷元
祐三年十二月十日
十五日作黃庭堅浴室題名跋
黃庭堅山谷題跋云浴

摩西來六禮師人物皆絕妙其山川花木翎衣孟諸物畫工能知之至於
人有懷道之容投機接物目擊而百體從之者未易為俗人言也此壁列於

冠蓋之區而湮伏不聞者數十年得蜀人蘇子瞻乃發之物不繫於世道興
衰亦有數如此此寺井泉甘寒汶師張建溪茶常不落第二故人陳季常林

下士也寓基簞於此蘇子瞻范子功數來從之故予過門必稅駕焉元祐三
年魯直題本集書魯直浴室題名後云後五百歲浴室邱墟六祖變滅蘇范

黃陳盡為鬼錄而此書獨存富有來者會予此心拊掌一笑是月十五日戊
子子瞻書詩窮黃魯直云元祐三年公云是月十五日戊子語已考定本年

正月三日辛亥於本卷和子由上辛所殺省宿致齋詩註中并論合註所引
續通鑑長編正月巳丑公知貢舉之誤更以本案前所考定三月二日戊申

四月五日辛巳推之則戊子遇望當在十月十二月兩十五日之間又以范
景仁墓誌卒於是年閏十二月癸卯朔推之其戊子乃十二月十五日是月

小盡故閏十二月為癸卯朔也今自上年興龍節丙戌起至是一年
之中並已截清有據則正月必無己丑日而長編之誤無可逃矣
二十一

日論周禮擅議配享劄
本集劄云元祐三年十二月二十一日翰林學士知

學官曾舉江寧府右司理參軍周禮蒙朝廷差充鄆州學教授近者竊聞
種上疏言朝廷當以故相王安石配享神宗皇帝安石平生所為是非邪正

中外具知難逃聖鑑今已改青苗等法而廢退安石黨人呂惠卿李定之徒
至於學校貢舉亦已罷斥佛老禁止字學大議已定行之數年而先帝配享

已定用富弼天下翕然以爲至當種復何人敢建此議意欲以此嘗試朝廷
漸進邪說陰唱羣小此孔子所謂行險僥倖居之不疑者也臣觀二聖嗣位
以來斥逐小人如呂惠卿李定蔡確張誼一吳居厚崔台符楊汲王孝先何
正臣盧秉蹇周輔王子京陸師閔趙濟中官李憲宋用臣之流或首開邊隙
使兵連禍結或漁利權財爲國歛怨或倡起大獄以傾陷善其爲茲惡未
易悉數而王安石實爲之首今其人死亡之外雖已退處閑散而其腹心羽
翼布在中外懷其私恩冀其復用爲之經營游說者甚衆皆矯情匿迹有同
鬼蜮其黨甚堅其心甚一而明主不知臣實憂之夫君子之難致如麟鳳色
斯舉矣翔而後集况可麾而却之乎小人之易進如蛆蠅腥膻所聚瞬息千
萬况可招而來之乎朝廷近日稍寬此等如李憲乞於近地居住王安石抗
拒恩詔蔡確乞放還其弟皆卽聽許崔台符王孝先之流不旋踵進用楊汲
亦漸牽復呂惠卿窺見此意故敢乞居蘇州如此不已則惠卿蔡確之流必
有時而用青苗市易等法必有時而復但使執政之中有如富弼韓琦盛諫
薄臣之責而寬種之罪是使近臣輕引小人而惠卿之流有以卜朝廷之輕
重事關消長憂及治亂伏望特出宸矜深詔有司議臣與種之罪謂此劄
公祇以臺諫予司馬光此非公一已深頌言盛度責錢維演告詞本集跋盛
人之言蓋當日之公言本如此也謂蘇頌言盛度責錢維演告詞
演告詞云盛度錢氏婿而不喜維演蓋邪正不相人也維演建言二后並配
中丞范諷發其姦落平章事以節度使知隨州時度年幾七十爲知制誥賁
詞云三星之媾多戚里之家百兩所追皆權要之子蓋維演之姑嫁劉氏而
其子娶於丁謂人怪度老而筆力不衰或曰度作此詞久矣元祐三年十二

月二十一日講筵上未出立延和殿廷中時
方集論白周禮禮議宗廟事蘇子容道此
二十八日侍延和殿觀范鎮所

進新樂撰延和殿奏新樂賦

本集延和殿奏新樂賦云皇帝踐祚之三載也

新聲翕然便坐之前初觀擊拊允也德音之作皆效和平自昔鍾律不調工
師失職時有作者僅存遺則於魏則大樂令夔在漢則河間王德俾後世之
有考賴斯人之用力爰有著德適丁盛時以謂樂之作也臣嘗學之顧近世
之所用校古人之用力爰是用稽周官之舊法而均其分寸驗太府之見尺而
審其毫釐時惟帝俞眷茲元老雖退身於安逸未忘心於論討愷然鐘磬之
調適燦然虛業之華好聊卽便安之所奏黃鍾而歌大成行詠文明之意薦
英祖而享神考爾乃停法部之役而衆工莫與肆太常之業而邇臣必陪天
聽聰明而下就時風和協以徐回歌曲既登將歎貫珠之美韶音可合庶觀
儀鳳之來斯蓋世格文明俗躋仁壽天地之和旣應金石之樂可奏延英傍
矚念故老之不來講武前臨消羣隱之交構然則律制旣立治功日新號令
皆發而中節磬莞無聞於奪倫上以導和氣於宮掖下以胥悅豫於臣鄰以
清濁任意而相讓何憂工玉謂宮商各諧而自遂無愧音臣嗚呼趙鐸固中
於宮商周尺仍分於清濁道欲詳解事資
再跋進士題目後
本集跋進士題
學博儻非夔曠之徒孰能正一代之樂
目後云元祐三
年十二月二十八日上御延和殿奏瑞明殿學士范鎮所進新樂自太中大
夫待制以上皆侍時西夏方遣使款延州塞而邊臣方持其議相與往返未
決也故進士作延和殿奏
新樂賦款塞來享詩云
和黃庭堅效進士詩夜直玉堂攜李之儀詩卷讀

至夜半題後答范鎮和賜酒燭詩閏十二月一日賜范鎮獎諭詔

本集賜端
 銀青光祿大夫致仕范鎮獎諭詔云勅范鎮朕惟春秋之後禮樂先亡秦漢
 以來詔武僅在散樂工於河海之上往而不還聘先生於齊魯之間有莫能
 致魏晉以下曹鄴無譏豈徒鄭衛之音已雜華夏之器間有作者猶有典刑
 然銖黍之一差或宮商之易位惟我四朝之老獨知五降之非審聲知音以
 律生尺覽詩書之來上閱龔虞之在廷君臣同觀父老太息方詔學士大夫
 論其法工師有司考其聲上追先帝移風易俗之心下慰老臣愛君憂國之
 志究觀所作嘉歎不忘元祐三年閏十二月一日日本集范景仁墓誌銘云二
 聖御延和殿召執政同觀賜詔嘉獎時公已屬疾樂奏三日而薨實元祐二
 年閏十二月癸卯朔公以一日行此詞而景仁即以是日身故其詞曰
 和酒燭詩所述皆觀樂以後事景仁或及見之至此詞則已不及矣
 鎮訃為文祭之 本集祭范蜀公文云嗚呼仁宗在位四十二年畦而種之有
 碩大光明導日而昇燦焉長庚死生契濶公獨壽考天實養之以殿諸老二
 聖嗣位仁義是施公昔所言畧行無遺維樂未和公寢不寧樂成而薨公往
 則嗚凡百君子願公無極胡不萬年以重王國責難之忠愛莫助之嗟我後
 來誰復似之吾先君子秉德不羣與公弟兄一日之少窮達不齊歎則無間
 豈以閭里忠義則然先君之終公時在陳宵夢告行晨起訃聞先友盡矣我
 亦白髮聞公之喪方食喫噎堂我公豈其云亡望公凜然猶舉我觴朱子
 晦菴題跋云汪季路所藏蘇文忠公祭范忠文公文稟慶元丁巳十月已卯
 朱熹觀於考亭溪居宮師生於大中祥符二年已酉景仁年八十一以

元祐已推之生於祥符元年戊申實長一年文云一日
之少者謂景仁有一日相長之誼非後生景仁一日也
四日建實訓上遊

將隱匿敗亡壽哥體量不實劄本集劄云元祐三年閏十二月四日翰林學士知制誥兼侍讀蘇軾劄子奏臣昨日所請

實訓有云淳化二年上謂侍臣諸州牧監馬多瘦死蓋養飼失時枉致病瘵
近令取十數槽真殿庭下視其芻秣教之養療庶革此弊臣因進言馬不能

言無由申訴故太宗至仁深哀憐之真之殿庭親加督視民之於馬輕重不
同若官吏不得其人雖能言上下隔絕不能自訴無異於馬馬之饑瘵勞

苦則有蹶踣奔逸之憂民之困窮無助則有溝壑盜賊之患然而四海之眾
非如養馬可以真之殿庭惟當廣任忠賢以為耳目若忠賢疎遠諸佞在傍

則民之疾苦無由上達臣聞去歲夏城犯鎮戎所殺掠不可勝數或云至萬
餘人而邊將乃奏云野無所掠其後朝廷訪聞委提刑司體量而提刑孫路

止奏十餘人乞朝廷先賜放罪然後體量實數至今遷延二年終未結絕問
奏既行蒙蔽又乞放罪遷延侮玩一至於此臣謂此風漸不可長馴致其患

何所不有此臣
六日相州賜遼國賀正且使副御筵口宣本集口宣云有勅卿等春朝畢會鄰

之所深憂也
十八日賜遼國賀正且使副銀
聘交馳屬祖歲之沍寒念遠勤於行李往頒

燕行以重使華元祐三年閏十二月六日
鈔羅唾孟予錦被等口宣本集口宣云有勅卿等遠將鄰好來慶春朝眷言

祐三年閏十二月十九日薦何宗元十議狀本集狀云元祐三年閏十二月十九

日翰林學士知制誥兼侍讀蘇軾狀

奏右臣伏見蜀人朝奉郎新差通判延州事何宗元吏道詳明士行修飾學古著文頗適於用近以所著十議示臣文辭雅健議論審當臣愚不肖謂可試之以事觀其所至謹繕寫十議上進伏望聖慈降和劉攽立春日賜幡勝付三省詳看如有可採乞隨才錄用以廣育材之道

併答葉均王欽臣和韻諸詩註改編下卷首今仍編卷末餘詳題下聞眉倅

賈訥往祭東塋作謝啓蓋二十年側聞松楸已中梁柱過而下馬空瞻墓相歸之意常恐樵牧不禁行有雍門之悲雨露既滿空引太山之望豈謂通判

某官政先慈孝義篤友朋首隆學校之師儒次訪里閭之耆舊自嗟來暮不聞拔薤之規尚意神交特致生芻之奠父老感歎桑梓光華深衣練冠莫克

垂洟於墓道昔禱今禱尚能鼓舞於民謠仰佩之深力占難離國公以異熙寧二年已酉白眉還朝至是元祐三年戊辰正二十年也月日無考

宜興祭古冢文本集祭古冢文敘云閏十二月三日予之田答築室於所居忽乎寂乎寥乎子大夫之靈也子豈位冠一時功遠宇內福慶被於子孫膏

澤流於萬世春秋逝盡而託物於斯乎意者釋光隱履却千駟而不顧祿萬鍾而不受巖居而水隱雲卧而風乘忘身徇義而遺付於斯乎豈吾固嘗誦

子之詩書慕子之風烈而不知其謂誰歟子之英靈精爽與周公呂望游於

豐鎬之間乎抑其與巢由伯夷相從於首陽其穎之上乎博何為而華乎曠

何為而大乎地何為而勝乎子非隱者也子之富貴不獨美其生而又以榮

其死也子之功烈必有石以誌其下而余莫之敢取也昔子之姻親族黨節
春秋悼霜露雲動影從享祀乎其下今也僕夫樵人誅茅鑿土結廬乎其
昔何盛而今何衰乎吾將徙吾之宮避子之舍豈惟力之不能獨將何以勝
夫必然之理平安知百歲之後吾之宮不復爲他人之墓乎今夫一歲之運
陰陽之變天地盈虛日星殞食山川崩竭萬物生死歿及飄忽若雷奔電掣
不須臾留也而子大夫獨能遺骨於其間而又惡夫人之居者乎嗟彼此之
一時迥相望於山河子爲土偶固已歸於土矣余爲木偶漂漂者未知其如
何魂而有知爲余媿阿語此宜與事敘稱閏十二月三日發冢則此文作
於是月爲楊久中題熙寧手詔本集題熙寧手詔記云楊繪衆奏罷諫職
下句也兼求外補及乞明加黜賈蓋繪未深究朕
意繪疏跡遠人立朝寡識不畏強禦知無不爲始一見之便知其忠直可信
故翌日卽擢置言職知任亦甚篤矣今日降命蓋謂難與會公亮兩立於輕
重之間故當且避之卿可喻朕此意令早承命或示朕此札亦不妨熙寧元
年故翰林學士楊繪以知制誥知諫院上疏論故相曾公亮事先帝直其言
然未欲遽行也故除公兼侍讀公力辭不已乃以手詔賜今龍圖閣學士滕
公元發使以手詔賜公公卒不受命而詔遂藏於家是歲四月復除公知諫
院以母憂去官其後二十年公沒於杭州喪過京師其子入中以手詔相示
且請記之歸蔡東都事畧哲宗卽位繪徙徐州復天章閣待制知杭州卒又
據施註繪卒於元祐三年六月其作歐陽修文集敘本集六一居士文集敘
喪過京師蓋亦是年冬後事也
者信之衆人疑焉孔子曰天之將喪斯文也後死者不得與於斯文也孟子
曰禹抑洪水孔子作春秋而予距楊墨蓋以是配禹也文章之得喪何與於

天而禹之功與天地並孔子孟子以空言配之不已夸乎自春秋作而亂臣賊子懼孟子之言行而揚墨之道廢天下以爲是固然而不知其功孟子既沒有申商韓非之學違道而趨利殘民以厚主其說至陋也而士以是罔其上上之人僥倖一切之功靡然從之而士無大人先生如孔子孟子者推其本末權其禍福之輕重以救其惑故其學遂行秦以是喪天下陵夷至於勝廣劉項之禍死者十八九天下蕭然洪水之患蓋不至此也方秦之未得志也使復有一孟子則申韓爲空言作於其心害於其事作於其事害於其政者必不至若是烈也使揚墨得志於天下其禍豈滅於申韓哉由此言之雖以孟子配禹可也太史公曰蓋公言黃老賈誼晁錯明申韓錯不足道也而誼亦爲之余以是知邪說之移人雖稟傑之士有不免者況衆人乎自漢以來道術不出於孔氏而亂天下者多矣晉以老莊亡梁以佛亡莫或正之五百餘年而後得韓愈學者以愈配孟子蓋庶幾焉愈之後三百有餘年而後得歐陽子其學振韓愈之子以達於孔氏著禮樂仁義之實以合於大道其言簡而明信而通引物連類折之於至理以服人心故天下翕然師尊之自歐陽子之存世之不說者誰而攻之能折困其身而不能屈其言士無賢不肖不謀而同曰歐陽子今之韓愈也未興七十餘年民不知兵富而教之至天聖景祐極矣而斯文終有愧於古士亦因陋守舊論卑氣弱自歐陽子出天下爭自濯磨以通經學古爲高以救時行道爲賢以犯顏納諫爲忠長育成就至嘉祐末號稱多士歐陽子之功爲多嗚呼此豈人力也哉非天其孰能使之歐陽子沒十有餘年士始爲新學以佛老之似亂周孔之真識者憂之賴天子明聖詔修取士法風厲學者專治孔氏黜異端然後風俗一變考論師友淵源所自復知誦習歐陽子之書予得其詩文七百六十六篇於其

子樊乃次而論之曰歐陽子論大道似韓愈論事似陸贄記事似司馬遷詩賦似李白此非余言也天下之言也歐陽子諱修字永叔既老自謂六一居士爲王鞏作其父素硯銘本集王仲儀硯銘云汲鄭豎問頗牧晚用諫草風云爲王鞏作其父素硯銘生羽檄雷動人亡器存質小任重施易何常明哲所并作鞏所藏硯銘本集王定國硯銘云石出西山之西北山之北戎以發共并作鞏所藏硯銘劍子以試墨劍止一夫敵墨以萬世則吾以是知天下之才皆可以納諸聖賢之域元豐二年十二月正字王鞏貶賓州鹽酒務坐公詩案罪也宣仁簾聽鞏上書言事司馬光薦之緣此減二年磨劾元祐元年三月權宗正寺丞八月公舉鞏充節操方正可備獻納科爲臺諫所攻出爲西京通判公有批劄云司馬光死未數月而所賢之士變爲姦邪據此則辨劄上於元年十一月而本集載入三年謫也其自西京倖揚以本集詩題考之當在二年秋間而三年秋後已歸是鞏在揚不及一年即攻罷也四年三月知海州六月改密州坐罪銜替五年判登聞鼓院七月未光庭攻之改管勾太平觀揚康園攻之并罷官觀六年五月以子由薦除知宿州安鼎再攻之仍管勾太平觀十月以三省言再銜替紹聖中鞏無史事可坐獨免行遣公惠州與書云一官爲貧更無可擇生計漸有涯是鞏又出爲監當矣元符元年除名勒停送全州編管徽宗立放還其在揚坐決賈無罪鞏人降一差遣而童政在新州賊殺平民數千亦止降一差遣元祐政體可駭一笑鞏以累世敝闕少從公游尤爲羣小所憎故自元豐以至元祐排擠殆無虛日公亦有言者本欲中臣波累及鞏之奏然鞏如是折因而終不稍改志節處之自若是則所以爲鞏矣鞏傳甚畧公爲作二銘亦不詳何時今以其在京附載於後而瀝考如此

蘇文忠公詩編註集成總案卷三十終

武林韻山堂王氏藏版